

MICHALONIS LITVANI
DE MORIBVS
TARTARORVM,
LITVANORVM ET MO-
SCHORVM, FRAGMINA X.
multiplici Historia
referta.

ET,

IOHAN. LASICII POLONI
DE DIIS SAMAGITARVM,
CETERORVMQ. SARMATARVM,
ET FALSORVM CHRISTIANORVM,

Item

DE RELIGIONE ARMENIORVM.
Et de initio Regiminis Stephani
Batorij.

Nunc primum per

I. IAC. GRASSERVVM, C. P.

ex Manuscripto Authentico edita.



BASILEÆ,
Apud CONRADVM WALDKIRCHIVM.

M DC. XV.



19528, I



ILLVSTRISSIMO DOMINO,
 OCTAVIANO ALEXANDRO,
 PRINCIPI PRONSCENSI,
 DOMINO IN BERESTETZKO,
 ET RHEZAN,&C:

DOMINO MEO GRATIOSISSIMO.



*Q*UOTIES Heroicum tuum animum, ILLV-
 STRISSIME PRINCEPS, in familiari
 illa conuersatione, quae rerum Theologi-
 carum & Historicarum igitur, perquam
 gratiosè haëctenus dignatus es, tacitus mecum
 arbitror & suspicio, non possum non diuina
 illius meminisse sententia, Magnum Virtutis principium, vt
 paulatim exercitatus animus, visibilia & transitoria pri-
 mum commutare, vt postmodum possit derelinquere.
 Delicatus ille est adhuc, cui Patria dulcis, fortis autem
 cui omne solum Patria, perfectus verò cui mundus exi-
 lium est. Patria enim, quae te in clarissimorum Magnatum si-
 nu quam splendidissimè fouisset, tenerrime adhuc aetatis Ado-
 lescens, cum D. LV LIO, fratre tuo unico, quem Deus ad cale-
 stem Patriam ante biennium Masilia euocauit, discedens, non
 modò ex remotissima Polonia prouincia, in supremos hos Ger-
 mania fines profectus es, vbi omnium Facultatum celeberrimi-
 morum Doctorum Lectiones, Disputationes, & Promotiones,

Hugo de san
 Eto Vireore
 in Didasc.
 l.3.c.2.

):(2

D E D I C A T I O :

qua singulari quodam fato Basilee sunt creberrima, tanto egregia quauis discendi studio annis aliquot frequentasti, ut Ecclesis illis, quas Deus in Dominjs tuis Amplissimis sibi collegit, gratulari meruò possimus, Energetem illas habituras, qui in Virtute & Doctrina multiplex, ipsis quam optime sit prospecturus: sed & Gallias, Italiam, & ad Balearicas usq; Insulas Hispaniam tanta felicitate perlustrasti, ut pro ingenij tui sublimitate illarum regionum, Linguarum aequè ac morum, legumq; singularem & admirandam prorsus acquisiueris notitiam.

Efficacissimum autem ad huiusmodi Heroicos ausus incensiuum fuit, Maiorum Tuorum religiosa memoria. Quantus enim, Deus bone, Tritauitui Pater fuit, RVRICVS, potentissimus ille totius RVSSIAE Princeps, qui duodecim suis filijs, septem Amplissimos Ducatus reliquit, Kyouiensem nempe, Nodomiensem, Halicensem, Czemiechouiensem, Preaslaiensem, Rhezanensem, & Pronscensem.

Tritauus tuus, quod cum Rhezanense celeberrimum Pronscensem Ducatum possedisset, illustrissimum illud PRONSCLI nomen in hunc usq; diem posteris reliquit.

Arauum tuum GEORGIVM PRONSCIVM, Casimirus Magnus, Polonia Rex tanti fecit, ut illum cum apud Tartarorum Ducem detineretur, augustissima Legatione liberaret, & quam honorifice Vlnam in Lituaniam deduceret, eumq; contra Moscum cum exercitu mitteret, ipsi etiam pro impetrata victoria, & alijs singularibus prestis patriæ officijs, communi totius Regni suffragio, amplissima Dominia donaret. Duxit ille serenissimam Principem Solomiriensem, Heroinam laudatissimam.

Frater eius, cuius iniurijs in diuisione hereditatis animosè restitit, Magni Moscorum Ducis sororem duxit, ex qua duos reliquit filios, ex quorum posteris vnus, superiore seculo proprijs sumptibus tria millia Equitum, contra Stephanum Batorium Magno Moscorum Duci in auxilium adduxit.

Dice-

DEDICATIO.

Dicebantur hi duo fratres, ut & ipsorum Maiores, Magni Duces Pronscenses, ut ex pactis & privilegijs Lituania Cancellaria abunde probat: Pacta enim & fœdera Duces Pronscenses cum Polonia Regibus pepigerant.

Abauus tuus Hleba, uxorem habuit filiam Tinonis Vilnensis ex familia Podbipentorum, qui contra Tataros fortissimè dimicans, prope Mynscium obiit.

Proauus tuus, Urbis Baiala Cerkieui, fundator, pro præstitis Reipublica Polonica varijs beneficijs Palatinatum Kyouiensem & aliquot in Russia finibus præfecturas meritis est.

Auus tuus Fridericus, Palatinus Kyouiensis, duxit Bogusæ Bohouitini, Magni Lituania Ducatus Thesaurarij, Viri Maximi, & apud exteros Principes acceptissimi filiam, cuius soror Tenczynio Palatino Cracouiensi primò, deinde Principi Radziuilio Palatino Vilnensi nupsit, ex quo, Deo ita benedicente, Ioannem qui in Dania obiit, & Illustrissimorum Principum Sclucensium, Georgij videlicet, Simonis & Alexandri matrem progeniuit.

Aui huius tui Gener fuit celeberrimus ille Regni vestri Senator D. Ioannes Zboronius, Castellanus Gnesnensis, cuius industria Rex Stephanus Batorius feliciter in bello Dantiſcano usus est.

Pater verò tuus Alexander Princeps Pronscensis, omnes penè Adolescentia & Iuuentutis suæ annos hinc inde apud exteros peregit, linguis, bonis artibus & moribus, ac omni generâ Virtuti, naturali quodam instinctu deditissimus, ac propterea non minus litterarum ac literatorum, quam omnium omnino in quacunque saluari scientia excellentium per totam suam vitam Mecenas, & Patronus cum admiratione summus: Vbi verò ad perfectiorem progressus est ætatem, Heroicarum Virtutum suarum primordia, in aula Caroli I X. Francorum Regis, quasi in amplissimo mundi Theatro, diuersis conspicienda exhibuit nationibus.

DEDICATIO.

Electiois noui Regis tempore in Poloniam reuersus, ob amorem Patriæ, & maximarum Virtutum diuinam perfectionem, quã omnes Regni Precones mirabantur, in senatoriũ ordinem ascitus, Castellanus Trocensis factus, & unanimi Magni Ducatus Lituanie consensu, cum Palatino Vilnẽsi Legatus in Gallias electus est, vt Henricum Regem peteret, & in Polonia Regnum deduceret, apud quem quanta polluerit gratia, nemo est in tota Polonia qui ignoret.

Quam promptus autem ille fuerit ad quauis Patriæ præstanda officia, testatur Poloczko, Pskoua, &c. dum proprio sumptu militem satis numerosum Regi Stephano adduxit. Nec vlla vnquam Tartarorum contigit incursio qua non fortiter heroicam suam frontem ostenderit, patriæ salutem non consilijs modò, sed suis manibus strenuè defendens. Testatur hoc tota Volinia & Russia: testatur Olisko, vbi exigua suorum militum & Aulicorum manu, cohortes Tartaricas inuasit, & per duas horas præliando, te inter ceteros hostes Polyphemum quendam Tartarum, furiosè sese defendentem, proprijs manib. occidit, victoriãq. potitus est.

Extollit illustrissimum huius Alexandri nomen Redka, vbi hostium quam plurimos cepit: Trophæa meditatur Beresteczko. Norunt etiam alia quam plurima loca, quàm cautè vigilans Tartarus, vbi Heroem Pronscium appropinquasse intellexit.

Vt semel autem omnia dicam, nullam vnquam pientissimus tuus Pater, de Patria, quin vniuerso Christiano orbe bene merendi, & infideles Barbaros domandi intermisit occasionem. non sumptuum magnitudini, non capiti proprio pepercit. Totum se suasq. res omnes Deo & Patriæ, animo quàm religiosissimo semper consecrauit.

Laudatissimis huiusmodi Maiorum tuorum vestigijs, vt insistas sedulo, Affinis tui desideratissimi, Illustris & Magnifici Herois D. RAPHAELIS LESCINII, Comitæ de Lesno &c: Palatinidis Prestensis, Cuiaviensis, Castelani Vislicensis &c: hortatur

DEDICATIO.

hortatur & illicit exemplum, qui inter Regni vestri Proceres, Virtute & Eruditione eminentissimus, singulari studio, Dei gloriam, Ecclesia Pacem, & Reipub. felicitatem usq; & usque promouet.

Quando verò Illustrissime Princeps, Germanorum, Gallorum, Italarum & Hispanorum ingenia & mores inspexisti hactenus prudentissimè, & post reditum tuum in Patriam, quem nunc destinas, procul dubio cum Tartaris & Moscis nonnumquam sis armis congressurus, opusculum hoc, quo huiusmodi hostium vita describitur fidelissimè, inchyto tuo nomini inscribere & consecrare meritò volui. Prior autem libellus anno 1550. in gratiam Sigismundi Augusti, Polonia Regnum suscipientis, alter verò anno 1580. Alexandri Ducis Sclucensis conscriptus fuit. Deprehendi utrumque manuscriptum apud Amicum quendam inter chartas celeberrimi quondam nostri Typographi Petri Perna, cui ut ederetur, ex Polonia missus fuit.

Suscipe ergo Musas, Regi maximo, & Principi tibi agnato quondam consecratas, suscipe Musas redituas ex Polonia olim Basileam missas, ut lucem viderent publicam. Faueat Deus Optimus & Maximus Tutelaris, omini, quod felicissimum auguror, quando vel Opusculi huius Genius, non nisi tecum, & sub Illustrissimi tui Nominis auspicijs, in Patriam redire voluerit. Vale Princeps Illustrissime. Basilea Kal. Octob. 1614.

Illustrissimi tui Nominis

studiofissimus

IOHAN. IACOBVS
GRASSERVS, C.P.



MICHALONIS LITVANI,
DE MORIBVS TARTARORVM,
LITVANORVM ET MOSCORVM,
fragmina decem, multiplici
Historia referta.

FRAGMEN PRIMVM.



AMETSI Tartari, barbari & inopes habeantur à nobis, gloriantur tamen continentia vitæ, & antiquitate gentis suæ Scythicæ, asseuerantes eam semen esse Abrahæ, & nemini seruiuisse vnquam, licet vexatam interdum ab Alexandro, Dario, Cyro, Xerxe alijsque Regibus & populis potentioribus: & varias nunc diuisam in Ordas, id est, nationes. Siquidem vltra vicinos nobis Precopenses, complicesque eorum Belhorodenses, & Dobricenses Moldaviæ finium accolas, Ordę sunt potentes, Precopensisbus infensę, Orientem versus. Alia Nahai, alia Chastorakani, alia vltra amnem Tanaim, qui Volha appellatur, Zavvolfsca, Cæsaris Bari Vngariæ vastatoris patria, Moschorum olim & omnium Ruthenorum dominatrix, Nahaiensibus nunc adhærens, alia Kozanij, alia Kazaczka, item Buchar, Samarchan, & alia dicuntur plures, xii. Imperatoribus dispartite, vt promiserat Dominus progenitorę eorum Ismaëlem Genes. 17. duodecim duces generaturum, & euecturum in magnam gentem. Ex omnium autem nationum Tartaris soli tenuiores, sed regionibus nostris citimini Precopenses, infesti sunt nobis, cum ignauia freti nostra tum vicinitate, locorumque opportunitate receptaculi sui. Habent verò Precopenses receptaculum, suapte natura mu-

12. Ordę
Tartarorū.

*Taurica
Chersonesus.*

nitum. Eacus enim duo palustres, quorum alter Meotis dicitur ex mari in continentem ad circiter triginta milliaria, in longum porrecti, & seorsum tantundem penè in initiis & progressu suo distantes: sinibus verò ad inuicem reflexi, & angusto quodam interstitio sicco cohibiti quin congrederentur, desinentes: iunguntur ibi fossa & vallo altius exaggerato, complectente portam, quæ vnica est ingrediendi prouinciam illam per aridum. Vnde & Castellum ad portam illam situm, & tota sinu illo inclusa peninsula, appellatur à nobis Prekop, cui Tauricæ aliàs nomen fuisse fertur: Incolatus verò & imperium Græcorum Trapezuntinorum, ut hucusque retinent Græci suam & ibi linguam Græcam & religionem. Adiacet autem peninsula ea ipsa mari Pontico, quod illa ex parte pontus Euxinus dicitur, & quamuis munita sit situ, non aded tamen illis suis, nec lacubus amplis, nec fossa nec vallo arduis, neque Castello firmo, vt arceretur à transitu exercitus paulò instructior. Et peruenitur ad portam Tauricæ unicam illam ab arcibus vltimis Lituanicæ Czerkasi & Braczlauv, diebus sex, graminosis semper & planissimis vbique campis, non monte interpolatis vsquam, non sylua non palude, nec amne transmissu difficili, præter Borysthenem. Sic enim ipsa Taurica citra Alpes & maritima, quæ montosa passim, habet & syluosa, & quæ nunc ab Aboriginibus Græcis inhabitantur, aliàs verò, tota est campestris, Tartaris illic incolatum præstans, & ubique victui mortalium commoda & facilis, facilis admodum Cerere, Libero, carne, & sale. Siquidem sal ibi in lacunis, quibusdam aquis in se, ad instar glaciei, à calore solis concrevis nascitur, à solsticio æstiuale copiosus & pellucidus, nonnullibi ut crystallus. Et frumentum omne, ac vnam vini generat ibi copiosè tellus, semel subacta, & fronde occata vtrunque. Pecora item & iumenta hyeme quoque in pascuis, & sub dio semper fouet læta. quæ etiam fatigis exinanita macilentia & strigosa, postquam abijciuntur, ibi in campo repin guescunt. herba floccida, calcitratu ex niuibz quæ sita, haud infelicius quam melioribus pabulis & sub recto apud nos. Quoniam & cælum ibi est aliquanto clementius, & terra vbi cænosa ibi salsa. & herbæ genus sapidius quoddam, semper vires, & mirum in modum iu-
menta

Solum Taurica.

menta vegetans, quod appellatur Tıpecz. Vnde tantam olim frequentiam incolarum fuisse ibi memoratur, quod singulę quędam illic ex vrbibus Gręcorum, millena habuerint templa, & clero interim insolenti adeo, quod non nisi equites ingrederentur sanętuaria antıstites & Archimandritę eorum. Atque nunc etiam vrbes ibi nonnullę quamuis pessundatę, amplitudine tamen ambituum suorum & ruinarum, superbę olim fuisse apparēt, & pręsertim quę a nobis Solhoth, a Moscıs Krym, a Gręcis Theodosia appellabatur quondam, & metropolis vetusta Korsunij, quę genti Ruthenorum princeps dedit baptisma & nomen Christianum, postea verò prędam gentibus nostris, excisa ab eis. Vnde Kiovvıa nostra in templorum suorum lıchostrathıs, asarotis, & incrustamentis, retinet hucusque certa prędę illius insignia, ę quibus & Gnesnensi Basilicę valuam largita est. Et illa ipsa Korsunij tractata sic a nostris, dedisse fertur iactura sua necessitatem Tauricęnsibus Christianis, luxui & ignavię deditis, recipiendi in suppetias ad feudalem incolatum, reprimendis gentibus nostris, manum Tartarorum ex Orda Zavvolska adscitam. Et sensim deinde inualescens ibi illa Tartarorum vis, ad iustumque populi examen propagata, protulerit sibi in principem Temirkuthla quendam sanguinis sui, appellato eo Cæsare. At progenitores S. Mtis Vestrę perdomitis Cæsarianis illis, iniquis Gręcorum Vassallis, dabant eis in Cæsares, subditos suos hinc ex Lituania Tartaros. Vltimus verò ex Lituania Cæsarum Aczkirei, hic apud Troki natus, & hinc a divo Withovvdo ad imperium illud missus, genuit imperans ibi in Taurica filium Menglikirei. Menglikirei verò modernum Cæsarem Sapkirei & fratres eius natu & imperio priores, Machmethkirei, Saderkirei & Chaskirei. Sic enim nobili recepta hinc progenitoris sui nomenclatura, gaudet nunc omnis sequens eum in fascibus illis posteritas. Hęc igitur est Kireorum stirps, dextra forti progenitorum S. Mtis Vestrę ibi plantata, quę nunc referendo gratiam prouectionis suę, iuge faciescit nobis negotium. Atque vigente sic Taurica & populo & imperio iam aduenarum: vrbes tamen eius Mancup, Cassa, Kercze, Kozlevv, & alię maritimę, seruauerant se immunes ab illis, donec Turcica manu, opl-

*Christiani
in Taurica.*

*Tartari in
Tauricam
acciti.*

*Vixit Pri-
tendus
1380.*

*Conditio
Græcorum
in Taurica.*

bus Constantinopolitanis exauſta, caperentur ab annis hinc circiter ſeptuaginta. Et illinc miſſi ſub iugum Turcæ, pendunt ei cenſum, à capitibus ſuis ſinguli illic Aboriginum Græcorum ſuperſtites. Qui tamenſi & nunc agricolæ, videlicet vinitores & paſtores, non inopes ſint, imò etiam non ſine argentea ſupelleſtili plerique, utpote in tranquillitate & iuſticia publica, rationabiliore Ethnicorum adminiſtratu viuentes, minùs tamen iucundam agunt ibi vitam. Quippe, qui nullo honore digni, imò nullius omnino reputationis habentur à potioribus rerum Machometicis, ac omni illorum nedum commercio, ſed & intuitu non toruo dedignantur, angarianturque laboribus, dominicis præſertim, ac etiam Paſchalibus diebus, ipſimet argenteæ ſupelleſtilis domini. Nequaquam enim retinet authoritatem ibi Chriſtianus, nec in ſeruum nec in filium paulò proteruiorem, qui ſcilicet Magiſtratu ſe præſentandum duxerit ſemel. Atque etiam ipſi patriſamiliàs mutandus eſt ſtatus, ſi deſertur præſumpſiſſe de religione ipſorum quicquam verbo, aut ſaltem digito uno, & minus etiam ſeriò protenſo.

*Numerus
Tartarorum
Tauricanorum.*

Iam verò quàm inconfans ſit vicifſitudo rerù, vel ipſa ſufficit indicio Taurica, videns nunc mutatum ſic popularium ſuorum ſtatum, & patritiorum ſuperſtites, honore, libertate ſimul ac patribus orbatos, in ſervitutem redactos, ſpretos, capite diminutos, capiteque cenſos Machometicis, & antiſtites illos, inſolentes quondam eccleſiarum Dei contemptores, contemptos nunc ipſos, & abiectos, obreptare ſub trucibus Tartaris & Turcis. Vrbes quoque ſuas opibus immenſis, ſuperbia, læticia, ac omni luxuriæ ſtrepitu perfunſtas, dehiſcere nunc pleraſque inanes, ceteras verò ſolo æquatas, obſoletis iam & nominibus; & imperitare nūc ſibi, non Chriſtianos nobiles, & natiuos ſuos patronos, ſed peregrinam Ethnicam, ac non ita pridem ſervitute emerſam, atque & imperio ſimul, & libertate donatam hinc Vaſalorum ſtirpem. Adedò verò increbuere in Taurica Tartari, quod circiter triginta millium exercitum compleant ad bellum, ſed coacti, ut ſolent vniuerſi, & gregarii ac imbelles, quicunque ſaltem valeant conſcendere equum. Ut me præſente ibi, dum medietatem eorum, & filium ſuum mitteret Cæſar, in ſubſidia Turcæ proficiſcenti

scenti nouissimè in Vugariam, quindecim millia eorum tunc-
 numerata sunt. Proficisciebantur autem quamuis lectiores illi,
 consueto tamen apparatusuo, inermes videlicet plerique, &
 vix decimus aut vigesimus quisq; eorum pharetra fultus aut fra-
 mea, lorica vero multo rarior; sed alij scipionibus saltem muni-
 ti osseis, alii ligneis, alii vacuis telorum accincti vaginis. Cly-
 peorum autem & hastarum, vel huiusmodi armorum generis,
 expertes penitus. Sic enim semper illi, nec armis, & nec cibarijs *Bellica expe-*
 præter non nihil milij tosti, aut casei comminuti, & neque ullis *ditio.*
 onerantur impendiò ad bellum impedimentis. Verum tamen
 nemo illorum, sine pluribus recentibusque loris proficiscitur, &
 præsertim quando nostras excursandum est eis in regiones.
 Quoniam tunc solliciti fiunt vinculorum, ad vincendum mem-
 bra nostra, plus quam armorum ad tutandum sua. Equorum ve-
 ro semper fulciuntur ad bellum copia, ut magna pars exercitus
 eorum, quinos singuli ducunt equos, eosq; intactos. Vnde ex-
 cursiones & omne iter, crebra huiusmodi equorum mutatione
 freti velocius perficiunt, & hostem insequentem se effugiunt fa-
 cilius, ac etiam terrefactant amplitudine vestigiũ sui, & non me-
 tuunt ipsi in copia eorum fatigam nec famem. Præstant etiam in
 bello tolerantia, famis, sitis, fatigæ, peruigilij, æstus, aloris, &
 omnis inclemetiæ cælestis omniumq; ærumnarum. Nam expe-
 ditiones bellicas perficiunt absq; curribus semper, & absq; omni
 com meatu, præter illam quam dixi equorum copiam. Solitudi-
 nes item camporum vastas, inuias, brumali etiam tempore, alti-
 tudine niuium & pruinis acerbis, quamuis excoctis dura niue
 & glacie equorum cruribus, haud ægrè tamen & haud grauati
 superant. Amnes amplos rapidos, atque hiberno etiam rigore, *Traiectus*
 Aquilonumq; & glacierum fragorib. horridè stridentes & traie- *fluminiu.*
 ctu difficiles, absq; tamē nauigiis, sed saltem equorum ipsi iubis
 adnixi, sarcinis verò ad caudas super tignis, seu arundinum fasci-
 culis alligari, tranādo incunctanter expeditè & promptè trans-
 mittant. Et in prælio pugnant, fortius multo quam Moscho-
 uitæ, quamuis minus armati, & semper primo in congressu, sini-
 strum aduersi exercitus, conantur occupare cornu, quo dexterius
 ipsi petant sagittis. Sæpe quoque in fugam versi, terga dando, re-

*Tartari cre-
brò à Litua-
nis & Polo-
nis victi.*

*1519. mense
Augusto.*

*Vita Tarta-
rorum.*

sistunt, & hostem insequentem se diffusum sparsim, interceptant ex insidijs, & sic eripiunt non nunquam victi victoribus victoriam. Quando verò præter technas & strategemata, sed recta & cominus, collatis signis, venit conferenda cum eis manus, prævalent tunc in eos pugnatores nostri, etiam si non paulò pauciores fuerint. Id quod crebrius experti sumus, sub victoriosissimis vexillis diui parentis S. Maiestatis V. Nam & post infelicem Christianorum cum Machometicis, patruelis verò S. Maiestatis V. Regis Ludouici vltimam pugnam, mense quinto, calendis Februarijs, Anno Domini supra mille quingentos & viginti septimo in campis planis illis prope Czerkassi ad fluuium Olssanicza, viginti quinque millia illorum Precopensium Tartarorum cæsa sunt ad internecionem à nobis, qui non plures fuimus ibi, quam quingenti & ter mille. Et ante apud Kleczko, desiderata sunt septem & viginti millia eorum, prostrata à novem millibus nostrum. Ita quoque alias, & apud Davidis Castellum & apud Strefsino, Czezersko, Lepussno, & in campis etiam vastis illis, in Lebedino, & ad templum album, & ad fluuium Sula, & alijs in prælijs, quotquot æuo presenti fuerent genti nostræ cum illis, expertum est robustiores esse nostros. Nam & apud Sokal, non robore virium superatus, sed dolo & loci iniquitate circumuérus ab illis, succubuit exercitus noster, perductus insidiosè in aream oppidi recens exusti, crebris præcipitijs cellariorū, id est, antris, cauernis & cryptis subterraneis dehiscentem. Et illinc primum arrigi cæpit in nos cornu stirpis Kiriorum, perlatis sibi in Tauricam exuuijs cruëris militis nostri. Atq; deinde apud Oczakovv, tamen si fortis itidem ac etiam victor in illos fuerit miles noster, at imprudens interim, ut qui donauerit ultro victoriam victo Oslam Soltano, mittens ad eum in Castellum duces suos colloquij gratia, ignarus, diu esse, circa rem bellicam dolus an virtus quis in hoste requirat? Sic igitur semper robustiores fuere nostri Precopensibus, præter saltem technas, dolos & strategemata illorum. Vita autem Tartarorum, qua gloriantur, est prisca, pastoritia, quam olim in aurea ætate, sancti vixerunt patres, & ex qua Duces etiam eligebantur populis, regesq; & Prophetæ, dicente quodam eorum, tulit me domi-
nus

nus cum sequeretur gregem eorum. Ita enim agunt hactenus Tartari, sequendo greges, & peragrando cum eis campos hinc inde. Septa nulla habent, nec domos, prætertabernacula gestatoria, ex viminibus & arundinibus compactis, cilicij velata storeis, & mattis scirpeis munita, quæ vxoribus & pueris referta, vèctant secum in plaustris. Terram non colunt, etiam fertilissimam, contenti spontaneo fructu eius, herba ad pascendum pecus. Vnde iuxta Salomonis consilium, lacte solum absq; pane & sycera viuunt, sobrij & abstemij. cum lege quoque prohibitum habeant porum vini, ac esum suillæ. Et quamuis cæterorum pecorum ac iumentorum, etiam equorum vescantur carnibus, non tamen apud se, nisi penitus mortuis aut penè morticinis, parcendo scilicet viuidis gregum suorum. Nam in gregibus totam suam conditant substantiam. Nihil immobile possidentes priuatim præter puteos, & eos contribulibus quibusque communes. Mobilium etiam curæ, atque oneri non impendiò se applicant, præter, quotidianam & eam tenuem vtensilium suppellectilem & equitatus, bellicæq; rei leuissimum etiã instrumentum, ad quod solum accurati sunt, præter verò id, ad aliud operis profani, alicui rei nauare operam, virum ingenuum dedecori habet, quo sedulius obsequuntur præscripto legis suæ, vi & armis propagandæ. Atque in ea feritate nihil habent antiquius temperantia & continentia, viuuntque citra exuperantiam ac defectum vltimum omnes. Vnde quemadmodum in sacris litteris dicitur, scio & satiari & esurire & abundare & penuriam pati. Item qui multum, non abundauit: & modicum, qui non minorauit. Ita nunc in barbaris illis, nemo abundans suffocatur ingluuie, nec egens extinguitur fame, neque algore conficitur, nemoq; mendicat in tanta eorum inopia & penuria rerum. Nam vt non frequens apud eos heluo: sic non fame laborans, nec mendicans nec fraudulentus, alieni haustor, nō litigator, nec iudex iniquus, non testis peruersus, non peierator, item non fur nec latro. Vnde minimè opus est apud eos angiquenquam sollicita rerum suarum custodia, nec se armis onerare domi ad priuatam sui defensionem. Nam iter habenti intra regionem eorum ferre telum, enorme & illicitum est. Sanctè enim colunt illi apud se pacem

*Oper.**Labor.*

*Indices reli-
gioſi.*

& iuſticiam, reddendo vnicuique quod ſuum eſt, integrum non imminutum in gratiam magiſtratus, ex decimatu, nec vſlo alio nomine. Non quæſtui etenim, ſed pietati, impij ethnici illi habent iudicandi officium. Quod etiam eſt eis non laicum, ſed religioſum, & per religioſos id exequuntur Cadios, qui eò religionis inſitiantur, peculiariter ſecundum Iuſiurandum, iam alioqui leſti tales, qui minimè inhiēt rebus profanis, de quibus alios iudicaturi ſint. Et quo expeditius vigeat iuſtitia, nequaquam iudicium ibi protelatur ſubterfugijs cauillatorum, nec obtenditur calumnijs vitiligatorum. Siquidem reus diſſugium captās, dum per attractum oræ veſtimenti ſui, vocatus ab actore in iudicium non paruerit illico, extunc velut compertus iam in reatu vapulat. Verberatur enim fuſte, certo & ex lege domini præſcripto plagarum modo. Actori item & teſti locus in iudicio non eſt, qui neceſſaria ſalutis non ſatis perfectè ex lege calleat, aut qui guſtaſſe aliquando vinum ſeu alio notatus vicio deprehenditur.

*Magiſtratus
reuerentia.*

Parent quoque foro eidem, hoc eſt, Cadij iudicio, & proceres ac duces cum popularib. pariter & abſq; diſcrimine, ac præter ſummum principem, cujus Maieſtati plus etiam quam humanæ deſerunt, ipſi in vniuerſum, atque ad vnum omnes vno eodemque iure viuunt. Item & habitu conformi & victu compari, reddunt ſe pariles, nefas videlicet & piaculum habentes, fuſte etiam expiandum, præſumi à quoque gentis ſuæ, vt veſtitu præcinctiue, aut pileo ſeu cæſarie vtatur, non ſuo patrio ac vetuſto ritu: utve cibarium privatim à ſe promptum, non commune habeat vnicuique præſentium, aut ſumat illud eſui parte ex aliqua patronus ipſe prius, quàm expoſitum in medium, fruſtulatim fuerit conciſum, & commiſtum diligentius, vt eadem ſcilicet cederet qualitate cuilibet præſentium. Et in itinere nedum viaticum commune habent, ſed etiam inſeruiant maiori natu aut imbecilliori cuilibet, alacrius vnus præ alio. Domi hoſpiti cuilibet obiterario etiam, & ignoro exponunt gratuito, & cibum & nidum, ſed eminus à ſerte ſtatuarum ſuarum. Quoniam aliàs non adeò iam ſunt ciuiles, quippe qui ſceminas ſuas ab hoſpite, amico etiam & conuiua quantumcunque gratioſo, conſpici nequaquam licitum

*Hoſpitali-
tas.*

licitum habent, tenentq; miseras, caveis suis abditioribus reclusas, & nedum conuiuiorum sed Synagogarum quoq; & omnis consuetudinis forensis penitus expertes, laborib. etiam omnib. sartorijs & sutorijs reiectis in eas, sed neutiquam tamen inuitas. At ipsi interim non sunt contenti coniugijs earum, singuli singulis, more hominum prisco, in hoc se iactitantes, itidem & lege sua suadente vxores vnicuiq; quaternas, & in singulas earum pellices denas. Et quo perfectiores præsent se viros, non diuitias quærunť sponſarum, nec species earum corporales, copulanturq; eis, minimè à se antea in facie vilis, sed animis dūtaxat moribus. que earum exploratis, & non dedignantur in coniugia ancillas quodq; suas captiuas, ac emptitias. Vnde habet eas in matrimonijs constantes, morigeras, inuicem cōcordes, & pellicib. suis in gratiam maritalem æquanimis, item pudicas, vt inauditum sit pe-
Polygamia.
 nitus in eis adulterij crimen, capitale alioqui, & nece expiandum illico. Et præterea, cū intelligant barbari illi, nihil salubrius esse gentibus virtute & disciplina militari, in arduitateque consistere virtutem: Ideo molliciem & voluptates auersando asperitati vitæ, nec non equitarui ob rem bellicam studet ex infantia, & iam inde ab incunabulis gestantur inequitando, nec desuescunt equitare vel decrepiti. Vehiculi verò vsu veruli quoque vel valetudinarij detestantur molliciem deuittando & parcendo equis. Parci enim sunt equorum, ad eò quod Baro etiam eorum, equiret intra patriam solus, qui foris centenis concomitatur equitibus suis peculiaribus. Et mulier apud
Adulteria inaudita.
 illos etiam primaria, & vel Cæsaris necessaria regiam accessura, non verecundatur caueæ suæ obturatæ reclusa, auro vel gemmis intro nitens, boue vehi vno, aut propter plaustri grossiciem duobus. Equum autem vel deterrimum iungi vehiculo, nefas est & religio cuilibet eorum, millenos etiam in equitijs suis habenti equos. Est autem vita hominum illorum tetrica, sic & austera vulgo eorum communis, at non Principib. Quoniam Principes
Femine bouibus vehuntur.
 Scytharum in publica populorum suorum frugalitate ipsi lauius interim viuunt. Vt Precopenſis modernus Cæsar, negotio bellico in filios nūc reiecto, ipse propensius voluptatibus intendit, in topiarijs mulierum suarum, intra viridarium quoddam,
Vita Principum.

amoenitate loci, nec non ædificatu, cultu, herbarumque ac arborum varietate, & quincunciali earum situ elegans. Quo quidem in Paradiso suo, hospites etiam exceptat ille, conuiujs opiparis, licet ipse quidem velut fastidio & contemptu diuitiarum ligneis & fictilibus vescens ex vasculis, attamen auratis innitens puluinarijs, & cubitis & pedibus ad argenteamq; discumbens mensam, aureis & gemmatis oneratam phialis & varijs lasciuiens dapibus, nec nō melodijs fidium, cymbalorum, Crotalorum, Psalmorum, alijsq; nugis ostentans delicias suas, liberiusq; licere sibi ea præsumens in publica populi continentia.

Populi.

Agunt verò populi Tartarici continenter auscultantes Sacrae Scripturae dicenti; Vinum non bibetis, domum non ædificabitis, sementem non seretis, vineas non plantabitis. Sed in tabernaculis habitabitis, vt viuatis diebus multis super faciem terræ. Sic ergo viuunt illi super faciem terræ diebus multis liberi, immunes, & ab ultimo sui excidio tuti semper. Dum delicijs contemptis, nihil fixum expugnationique obnoxium possidentes, tota ipsorum quocunque migrent committetur eos substantia. Quam ideo fugitiuarij ipsi conditant sibi vniuersam in mobilibus, in mouentibus sese pecoribus ac etiam feruis.

Mercimonia mancipiorum.

Quanquam verò habeât Precopenfes pecora se penes, copiosè pullulantia, seruos autem aliunde captiuos, eo tamē altero facultatum suarū genere plus fortunati sunt. Non habent enim pecora tot, quorū mancipia, nam hæc externis quoq; largiuntur prouincijs. Siquidem aduētant eis naues crebræ ex vltiori Ponto, & Asia, portātes arma, vestes, equos, & soluuntur ab eis oneratæ semper mancipijs. Quoniam omnia illorum emporia ac telonea, celebra sunt solo eo mercium genere, quod etiam ad manus est eis semper, & mercatui, & pignori & dono, ac vnusquisque eorum equi saltem ascensor, etiam cum nullum actu habeat mancipium, potentia tamen, certò semper copiam peculij eius habere se præsumens, promittit in contractibus creditori cuilibet numeraturum se ad certum diem pro vestibus, armis, & equis viuacioribus, viuaces etiam, verum non equos, sed homines, eosq; sanguinis nostri. Et statur huiusmodi promissis is

missis eorum securè, perinde ac si in viuarijs, & cortibus suis reclusos semper habeant illi homines nostros. Vnde Iudæus quidam ibi in Taurica ad portam eius, vnicam illam, teloneo præsidens & innumeram semper hominum nostrorum captiuorum multitudinem importari illuc cernens, quærebat ex nobis vtrum adhuc homines in regionibus nostris supersint, nec ne, & vnde hic tantæ mortalium copię. Est autem id ipsum facultatum genus latrunculis illis in promptu semper, nedum in commercium quodlibet ad externos, sed domi etiam, & sæuitiæ eorum perferendæ & ludicris.

Crebris enim ibi ex miseris ipsis viri robustiores, si non castrantur, auribus tamen & naribus mutilantur, genis & frontibus cauteriantur, pedicisque & nervis compediti angariantur, interdum laboribus, noctu carceribus, prætenuique fouentur cibo morticinæ, eiusque putridæ, vermibus scaturientis, canibus etiam abhorrendæ carnis.

*Captiuorum
conditio.*

Fœminæ verò teneriores in lasciujs habentur, & quædā conuiuijs etiam adhibentur hilarandis, psaltui, fidicinatiui, gesticulatiuique, artificiosè edoctæ. Quæ liberali forma ex nobiliore gècis nostræ sanguine raptæ, adductantur Thalasio & paradificolæ illi.

Fœminæ.

Itè & alia spectanda aguntur ibi cum eo hominū genere. Quando videlicet venum producuntur, miserabiles ipsi, in frequentius ducuntur forum, seriatim, velut grues in auolaru digesti & decimatim collis concatenati, venundanturque decadiabus integris sub manu & voce licitatoris, qui auctionando, enunciat vociferans, noua esse mancipia ipsa, rudia, non callida, recens capta, ex populo regio, non Moscouitico. Nam Moschorum genus, ut dolosum & fallax, ita vile habetur illic in mancipijs. Taxatur autem sagacius hoc mercimonij genus in Taurica, careque emitur per mercatores externos, venundandum ab eis pluri, vltioribus, attrioribusque, Sarracenis, Persis, Indis, Arabibus, Syris, & Assyrijs. Quilibet namque illorum, auide appetunt captiuas hinc in coniugia, citra tamen vim tunc & iniuriam, sed iuxta normam perscriptam desuper à Domino Deuter. 21. Quoniam & imperatori Turcarum moderno, vxor apud eum gratiosior primogeniti eius post eum

*Solymani
vxor mater
Amuratis.*

imperaturi genitrix rapta est ex prouincia nostra. Atque Precopenſis Sapkirei, procreatus ex Chriſtiana, & in coniugio habet nunc Chriſtianam. Et omnes tyrannorum illorum miniſtri, ſpadones, ſcribæ, cæterique artiſices, & milites præcipui Ianiczari, qui jam inde à pueritia arte & diſciplina militari inſtruntur, & ex quibus tandem Duces leguntur & Barones, de noſtro Chriſtiano ſanguine ſunt. Et proinde quando emuntur ibi mancipia, inſpectantur tunc eorum, ne dum promptiora membra, atque dentes, ne rari ſint neu decolores, verùm additiores etiam perſcrutantur corporis partes. Et ubi quis deprehenditur næuus, tuber, cicatrix vel aliud latens vitium ſeu defectus, ſequitur tum redhibicio. Atque in tanto etiam indagatu ementium, adſtruunt nihilominus eis impoſturam, liſtendo illecebras vaſtri proxenætæ & mangones. Quos enim habitiores in gregibus captiuorum nanciſcuntur, puſiones, & puellas, non eos vulgo producunt, ſed lautius ad inducendam ſaginam curatos, redimitos ſerico, fucatos pigmentis, purpurifſo ſtibioque, ad alliciendum quo pluris emantur. Nam interdum ibi penſitantur auro & ponderibus ſuis, emuntur formoſiores, & illibatæ ſanguinis noſtri puellæ. Atque illico etiam ubi emuntur, reuenditantur identidem mancipia formoſa, accuratius mangonizata aucto precio aut uſura momenti vllius lucri facta. Aguntur hæc & in cæteris peninſulæ illius urbibus, in Caſſa verò præcipuè. Contigitque ibi quod globi miſerorum illorum coemptorum aguntur ex mercatu ad naues rectâ. Eſt enim contingens portum freti oportuniorem, ſitu ſuo inſatiabilis illa & nefanda, nō vrbs ſed vorago ſanguinis noſtri. Vbi igitur migratores illi ad conſcenſum nauium in littore conſiſtentes viderent dolori eſſe, vicem ſuam nobis inſpectantibus: Vnus tūc eorum notus & contrerraneus mihi velut interpellatus, contractiore vultu noſtro, reſpondens pro comitiua & me intuens; Non eſt iam inquit frater dilecte, quod doleat is extorribus nobis peregrinantibus ita: quamuis enim acerbū hoc & triſte carparamus iter, relicto dulci patrio ſolo, migrantres eò, vnde nunquam redituri ſumus: & quam-

*Captini ad
Lituanos o-
tatio.*

& quamvis quanto longius à finibus patriæ abducimur, tanto maiori in dies natiui soli flagremus desiderio: æquiori tamen iam fors ea ineuitata ferenda est nobis animo. quandoquidem non soli & non pauci simul gregales comitesque sumus, & cum haud optatiorē statu, cæteros remanere hic in Taurica videamus, confortes nostros, stigmaticos istos, notis compunctos, oris etiam deformatos specie; atque domi non letiorem itidem experti sumus vsu venisse exitum, necessariis nostris, quos vidimus illic, obtrucidari, detruncari, auulsaque eorum à corporibus membra & capita, iactari, corda quoque in ignem spargi trementia, & pulmones exectos, dum exenteratis aluis illorum, tepidisque ex intestinis, raptaret hostis triculētus extra haruspicijs, felles & bi- *Haruspicia*
les vnguentis. Quamquam autem & nobis præstitisset multo, si illa ac etiam alia quantumcunque crudeliora, vnà & semel perpessi occubuissemus apud lares manesque pater nos, à cultu religionis & à sepulchris maiorum non abstracti, corporibusque nostris felicioribus multo quàm nunc, etiamsi trunca iam & euiscerata discerpta fuissent & deuorata illic à bestijs: sed quia inuider nobis illud, prolixioribus his reseruans nos ludibrijs fatum insolens, cui parendum est, & iniussu eius non secedendum, iam minimè in rem nostram & anxietas hæc, & commiseratio vestra, quin potius nobismet ipsis cauendum est, ne idem quoque vos maneat exitus, ne scilicet asportatrices has conscendatis etiam aliquando naues, & ne tota denique gens nostra, disperseantibus ita crebrius indies alumnis suis intercidat. Id quod summo opere sanè metuendum est, si eisdem quibus nunc estis, perseueraueritis diutius esse moribus vestris perniciosissimis, trahentibus vos iugiter in exitium. Si itaque est tibi quicquam aut charitatis in patriam, aut fidei in Principem, aut saltem in Deum religionis: tuum quoque debet esse, eam periculi imminentiam, vt nunc perspectis hîc hominum conditionibus deprehendisti, deregere Principi, & quorum denique interest, quod vt sedulo facias, si non aliud, at religionis saltem ipsius Dei moveat te amor, per quem adiurando te miseri nos affectum patriæ & libertatis nunc tandem expertes obtestamur vt saltem hoc vltimum à nobis pignus amoris desiderata haberet patria. Hæc ille perloquens, & graue:

suspirans, tractus est in nauem, conscendente decade sua, catenata solida, & subducta in alium classe disparuit, relicto sic nobis elogio.

Finis Fragminis primi.

Quidam ad Lectorem.

In sequentibus hunc tomis, nihil aliud Michalo, quàm de corruptis gentis sue moribus, quibus nullus sit perniciosior, primòq; repellendus hostis, queritur, quos emendatos esse & optat & regenerationes emendandi ostendit. Verùm nos omisissis eiusmodi querelis, quæ de nulla non alia etiam gente esse possint, ea saltem quæ ad magistræ vitæ historiam pertinent, cognoscamus.



EPITOME FRAGMINIS *secundi.*



Osci & Tartari, longè sunt Lituanis inferiores viribus: sed superiores industria, frugalitate, temperantia, fortitudine, cæterisque virtutibus, quibus regna firma consistunt. afferunt Tartaris hæ virtutes ista commoda vt gaudeant copia peculij nostri abacti, & statu temporum sic exigente, placentur annuis muneribus à S. Maiestate vestra, amici scilicet fœderati, cum quibus antea quoque semper fuerunt Lituanis fœdera. Idem in equitatu sunt assidui, absque curribus bella gerunt, equis peregrinis abundant, vrbibus quas tumentur carent. Moscici quolibet vere ex Orda Tartarica Nohaiensi, permutatione vestium, & rerum aliarum vilium, multa millia equorum bello aptissimorum accipiunt. Turcæ Thraces immittunt nobis magno pretio equos partus ultimi, senes, laboribus exhaustos, morbis occultis obnoxios: valen.

valentes verò, aut ipsa arma vendere Christianis, religio ipsis est acscelus. at maiores nostri contenti erant domi suæ natis cantherijs: parati semper ad bellum cum lanceis, clypeis, loriceis & refertis farre culeis. Heroidæ Lituanicæ vel templum vel conuiuium accessuræ, senis vel octenis eiusdem coloris pilentis, id est, rhedis pensilibus vehuntur: totidemque homines loriceis victos Scythatrahens, euadit impunè. at Tartari equorum ditissimi, ne Principis quidem suæ vehiculo iungi patiuntur equum. Turcæ aliique Saraceni accessuri die quolibet quinquies in fanum ad orandum, excalceant se lauantque; frigida, etiam pudenda membra. iidem atque Tartari, Moscouitæ, Liuones, Pruteni, consulescentes parsimonix iugiter retinent vniusmodi vestitus, quos nos & pretiosos & varios habemus.

Tartari tunicas habent absque plicis & rugis longas, equitanti dimicanti que commodas, leues & pileos albos acutos non ad fastum paratos, quorum eminentia atque nitore in agminibus, licet minimè galeati esse soleant, apparent illustriores, & hostibus formidandi. quas technas Mosci quoque imitantur. hi verò ex ouili lana fiunt, & sæpè abluti diu durant, uno emti grosso.

Etsi Mosci soli, Sobolis aliarumque ferarum genere abundant: tamen vulgò Sobolos pretiosos non ferunt. Sed missos in Lituaniam, molles mollibus, aurum pro eis auferunt: gestantque in lacinijs galerorum suorum cilicinorum laminas aureas, & gemmas pretiosas. quibus nec humor, nec

sol, nectinea, vt Sobolis,
nocet.

Finis Fragminis secundæ.





EPITOME FRAGMINIS
libri tertij.



ROMATIS adeò abstinēt, vt & in epulis paschalibus contenti sint his condimentis, sale lutulento, synapi, allio, cæpis, suæque telluris fructibus, non solum vulgus, verum etiam optimates, & summus dux illorum, arcium nostrarum ereptor, quas iam 73. enumerat iactanter.

In mensa Principis conuiuali, inter aurea vasa & vernaculas dapes, non nihil quidem piperis, non tamen cocti in trullis seorsum apponitur, sed à nemine attingitur. at Litvani opiparis & exotici vescuntur cibis, vinum varij generis bibunt, vnde morbi varij. cæterum Mosci, Tartari & Turcæ, licet regionum viniferarum possessores, tamen vinum non bibunt, sed Christianis venditum, neruos belli pro eo comparant. persuasi se Deo præstare obsequium, si quouis modo extinguat sanguinem Christianum.

Aqua amara.

Tartari, Precopenses itidem aromata auersantur, viuuntque potu lactis & aquæ putealis, quæ in ambitu Tauricæ campestri, raro inuenitur non amara, clara autem rarius, nisi in visceribus terræ, profundissimè quæsitæ. Progenitores nostri cibos potusque peregrinos vitabant. Sobrij & frugales, omnem suam gloriam in re militari, voluptatem in armis, equis, famulis numerosis, & qualibus Mars gaudet, duris strenuisque ponebant, & cum exteras gentes arcerent, sua à mari vno ad alterum prolatarent, vocabantur ab hostibus Chorobra Litvva, i. ferox Lituania. Nul- lum est in oppidis Lituanicis opificium adeò frequens, vt coquendæ ex siligine cereuisiæ, & aquæ ardentis. Sequuntur hæc poriones in bellum euntes, & ad sacrificia Missalia confluentes. quibus homines domi assueri, simulatque insolitum sibi aquæ porum in militia attingunt, torminibus & dysenteria pereunt. Rustici omissa agricolatione, in cauponas conueniunt. Vbi dies
& no.

& noctes pergrēcantur, vrsis etiam arte cicuratis, vt potantes sua delectent ad cantum vtricularij saltatione. Vnde fit vt facultatibus consumtis, fames sequatur homines, ad furta & latrocinia convertantur, adeò vt in vnaquaque Lituanica regione, intra vnum mensem, plures propter hæc facinora capite plectantur, quàm centum & ducentis annis per omnes Tartarorum & Moscorum ebrietatem vetantium prouincias. Certè apud Tartaros, *Pana vini-
potorum.* qui modò vinum gustauerit, is & octoginta fustuarijs ictibus percutitur, & totidem nummis multatur. In Moscouia verò nusquam est taberna potatoria. quòd si apud aliquem patremfamilias vel gutta syceræ deprehendatur: huius tota domus diruitur, fortunæ confiscantur, familia atque vicini eiusdem vicus vapulant: ipsemet verò in perpetuum carcerem detruditur. In viciniam idè sœuitur, quòd fit eo infecta contagio, & nefandi conscia criminis. Nostros verò, non quidem magistratus, sed ipsa intemperies perdit potatores, aut mutua arma inter potandum enata, dies abaque ardentis potu inchoatur. vinū vinū adhuc in lectis clamitantes. bibitur deinde idem virus à viris, foeminis, iuuenibus in plateis, foris, secus vias, quo infecti nihil post agere possunt, quàm dormire, ac qui huic malo semel affuefit, in eo crescit potandi continenter cupiditas. Nec Judæi nec Saraceni quenquam è suo populo pariuntur perire egestate, tanta inter illos charitas viger: nec quisquam Saracenus cibarii sui edere vllum frustum audet, nisi id prius comminutum & commissum fuerit, vt vnique præsentium cibus cedat eadem quantitate.

*Bibacitas
Lituanorū.*

Abstinentibus autem ebrietate Moscis, oppida illorum celebrata sunt varijs & assiduis artificibus, qui mittendo nobis crateres ligneos, & baculos ad fulciendum gradum infirmis, senibus ebriis, ephippia, frameas, phaleras & diuersa arma, auro nos spoliant.

Antea Moscouitæ in eiusmodi seruitute Tartarorum Zavol- *Servitūs
Moscorum.* hensum fuerunt, vt dux illorum inter cætera seruitia vnique Cæsaris legato, & census exactori quotannis in Moscouiam venienti, prodiret obuiam extra oppidum. & tenens manu sua equi eius habenas, pedes equitem ad regiam deducebat. Sedenteque legato in solio Ducali, ipse genibus flexis legationem au-

*Moscus Li-
tuanis mul-
ta adimis.*

diebat. Ideò & hodie Zauolhenfes & ab his orti Precopenfes du-
cem Moscorum appellant suum cholop, i. rusticum. Sed præter
causam. Nam se suosque ab hac tyrannide Iohannes auus huius
Iohannis Basilii, qui hodie rerum gubernacula tenet, redacto po-
pulo ad sobrietatem cauponisque vbique interdïctis vindicauit.
quin subiectis sibi Rezani, Tyver, Susdal, Volodovv alijsq; fini-
timis Comitatibus ditionem suam protulit. idem etiam, Cafi-
miro rege Poloniae & Duce Lituaniae in Prussia contra Cruci-
feros pro regni finibus pugnante, populoque nostro in luxum
prolapso, ademit suoque adiunxit patrimonio Lituanicas pro-
uincias Nouohrod, Pskovv, Sievvier, & alia, heroum sanctorum
catalogo à suis adscriptus, liberator & auctor patriæ. nam & me-
tropolim suam, arce lateritia, & regiam lapidibus arte Phidiaca
sculptis, inauratis quibusdam eius sacellorum cacuminibus de-
corauit. Sic & genitus ab eo Basilius eadem vsus sobrietate atque
disciplina morum, anni millesimi quingentesimi decimiquar-
ti vltima Iulii ademtam nobis perfidia Michaelis Hlinscij ar-
cem & prouinciam Smolensco, addidit suo patrimonio. Vnde
Moscvvam metropolim suam auxit, condito in ea vico Nalevv-
ki, opera mercenariorum nostrorum militum indito ei in op-
probrium gentis nostræ ebriosæ cognomine. Naley enim In-
funde significat. Similiter huius natus qui nunc regnat, etsi ar-
cem vnâ ad nos amisit: tamen interea intra regionis nostræ fi-
nes tres arces condidit, Sebesz, Velisz, Zavvlocz. nullare cedit
Tartaris, quorum olim seruus fuit, ita suos habet sobrios: ruetur-
que libertatem non panno molli, nec auro splendido, sed ferro:
tenetq; gentes suas in armis, munit arces perpetuis præsidijs, pa-
cem precariam non curat, vim vi repellit, continentiam Tarta-
ricam continentia populi sui, sobrietatem sobrietate
æquat, artem arte Vicoudum heroem no-
strum imitatus elidit.

EPI-



EPITOME FRAGMINIS

Quarti.



ISTICIA quoque præstant nobis Tartari. nam reddunt vnique statim quod ipsius est. apud nos verò capit Iudex decimam partem rei iudicatæ, ab actore innocente, quæ iudicio merces appellatur *Pereffud*. quæ ilico in tribunali soluenda est. Cum autem de minima fundi agitur particula, non decima datur, sed licet non fuerit tanti pretij res iudicata, centum grossi; quorum vnus duos cruciatis nummos Germanicos valet, cum dimidia cruciati parte. maioris verò decimam capit semper, summæ bonorum totius, quantacunque deducta fuerit in litem.

Ratio iudiciorum Lituanicorū.

Ex iniuriarum autem personalium & violentiarum vtcunque insimulararum causis, capit à reo ratione multæ, tantum quantum adiudicat actori. adiudicat autem propter tanta sua lucra actori, aperte etiam calumnianti fauens, pro offensione eius qualicunque, mari sexagenas grossorum vicens, sceminæ quadragenas, pro damnis verò realibus quicquid calumniator peierans asseruerit, centenas & millenas, etiamsi ne vnā quidem sexagenam valere appareat tota eius substantia. Et pro homicidio, non iuxta legem diuinā vt sanguis sanguine vindicetur, sententia fertur, sed pecuniaria fit, cum decimis magistratus. Quocirca frequentia hīc committuntur parricidia. Et licet actor ingenuus in causis iniuriarum victoria potitus, placetur à reo mollibus verbis: at non iudex. is enim semper pecunias haurit, ab hoc multatias, ab illo decimarias.

Capit & decimas à pragmaticis sanctionibus & transactionibus. In criminalibus verò causis, non decimam sed totum capit, quicquid furtivum aut latroni ademptum deprehenditur penes aliquem, qui eius proventus appellatur Litze. Quando autem res ipsa furtiva penes furem seu evictorem eius, portanda est ad alium iudicem: valorem eius integrum capit prior iudex. ita ut necessum sit apud nos repetenti rem suam surreptam, impendere in magistratus plusquam res ipsa valeat: quapropter multi id cernentes sua iumenta furtim abacta, aut vi erepta, non audent litem propter ea intentare. Fur etiam in recenti crimine captus, non à magistratu loci illius in quo deliquit aut captus est iudicatur, sed per multa viarum discrimina, ducitur iudicandus, ad suum dominum, interdum ad talem in cuius domum furta inferebat. quamobrem securè furta committuntur. At apud vicinos nostros Tattaros & Moscos, iurisdictio in omnes baronum & nobilium subditos, tam in civilibus quàm criminalibus causis, non privato cuiquam, sed publico ordinarioque competit magistratui, eidemque sobrio, & simul cum aliis habitanti. nostri autem & singuli seorsim, & bibentes id agunt, remotis arbitris & testibus, ubi quidvis patrare licet. Capit etiam præses apud nos præter scelus, 12. grossos à iumento, quod quis rapit, & appellans erraticum, trahit illud ad stabulum euriæ. Sic & ab homine etiam immeritò in carcerem detruso, totidem exigit grossos, prætendens ea stipendia iure sibi, & carceris & stabuli ratione deberi. Famulus quoque iudicis executor sententiæ, capit decimam rei iudicatæ partem. quin etiam citra iudicarium strepitum, accipit decimam debiti crediti, seu depositi, quantumcunque liquidi, etiam si minimè eat inficias. Et Notarius decimam pene pro litteris diffinitivis, ac pro qualibet opera sua exigit aliquid: pro solo citationis sigillo ad causam unius grossi, quatuor. & quòd carius omnia vendantur, necesse est citationem geminam, eamque sigillatam & manu protonotarii subscriptam esse, quod interdum antequam sit, notario in aliis occupato, elabatur non citatus reus, ut eorum natura est fugere. Capit item alius iudicis apparitor Wifz, diem

diem reo dicturus, in causa vel minima, siquidem Palatini fuerit, grossos quinquaginta, si vicarii eius, 30. si regius, vel se eum simulat, centum. Capir tantundem alter, id est, 100. vel 50. vel minimum 30. isque Deczki dicitur, qui reum accersit & ad causam cum citatione ducit. item satellites tantundem rapit, qui à contestata lite, ad testes sistendum examinandumue, aut ad agrum pratumue ab aliena pecude proculcatum aut depastum, seu ad aliud minus damnum videndum delegatur. Si pauper tantam pecuniam non habuerit, iumentis spoliatur. Iniquum & hoc, quod pauper aliquem è magnatibus citaturus, non inuenit tum vel maximo præmio apparitorem. Nec hoc minus iniquum, quod vicinus meus potentior eiusdem mecum pagi hæres, alterius sit fori: nec tam facile ut ego, citatur. Et quod appellationis remedium sublatum sit nobis, enormi pœna apposita, ut est in stat. Lit. dist. 6. art. 1. Prohibita etiam contra potentes Vadia, quæ tenuibus sunt arma & quasi scuta ad protegendum. Ad hoc quicumque in testimonium nominantur, quibuscunque in causis, præterquam in limitaribus, iniurati fidem plenè faciunt, solo quæstu falso testificandi viuentes. Librum publicum ad referendas in eum venditiones & alia præter priuatas schedas, non habemus. Reus, etiam si manifestus fuerit rerum alienarum raptor atq; violator, non tamen ante ad iudicium accersitur, quam post menstruum à citatione spatium. Ad hæc dum iumentum quod 50. vel 100. grossis valeat, mihi eripitur, summa agriculturæ opportunitate, ego rapto rem citare in iudicium nequeo, donec prius citaturo eum satelliti soluero id integrum quod raptum valet, cum deinceps non solum solutio expensarum me non sequatur sed nec reum de re ablata in iudicium trahere, nisi post menstrua quædam interualla liceat. Itaq; iniuria affectus aut totum raptori permittit, aut vi vel fraude par refert.

Tempore promulgationis legum Lituanicarum bos valebat 50. grossis, vacca triginta. quæ pretia nunc magis creuerunt. At in alijs regis Poloniae ditionibus, nec tantæ induciæ patent reo, nec sumptus tanti ad citandum requiruntur. Sed apparitor con-

*Forum Po-
lonicum.*

nec adeò magno venit pretio, imò gratis dari iubetur edicto regis Sigismundi in Stat. Polonicis Piotrcouiensibus anno Domini 1511. & iudex à re iudicata etiam maxima non decima parte illius, sed duobus vel ad summum quatuor contentus fit grossis nostris minoribus, qui valent 8. cruciatos Germanicos. apud nos decimarum rei iudicatæ ter geminarum causa, Iudex suæ causæ fit iudex: & velut hamo escam habente captus, trahitur semper ad condemnandum, obscuris etiam partium iuribus. Etiam Ethnicorum leges prohibent mercedem iustitiæ. quæ ad nos immigrauit ante pauca lustra, ex ambigua consuetudine, opera procerum primorum, leges vñbus suis accommodantium, quibus vigentibus nemini licet possidere quidquam quod non obnoxium sit magistratui. verbi gratia: Cùm aliquis aut mihi infensus, aut iudici fauens, commodumq; procurans, pecuniam meam rapit, seu mutuum depositumue creditum retinet, aut fundum occupat meum: ego nihil horum recuperare possum ab eo. donec prius dederò iudici & familiaribus eius decimas, & alios prouentus amplos, in quos totam pecuniam meam breui abire necessum est, si iterum semel vel bis id ipsum negotii probus ille iudicis amicus mihi palam facessuerit. vbi verò furto, aut vi palliata, iudicis emissarius aurum, argentum aliaue mea surripit, hæc deprehensa transeunt ad præsidem. Ecce iustitiam Serenissime Princeps in patrimonio tuo, reddentem vnicuiq; quod suum est, en iura sancta.

Iudices tantum duo.

Tametsi verò duo ex optimatum numero Palatini in omni Lituania fungantur iudicum munere, locis non admodum diffuncti inter se, verùm hi qui sufficere possunt, vt tam numerosi populi & tantarum prouinciarum lites diiudicent? præsertim cùm iisdem curæ sit respub. vt vocentur voiuodæ, id est, belli duces. quo fit vt occupati multitudine & publicorum & priuatorum negotiorum, diebus festis, nempe cùm sunt liberiores à negotijs, de litibus cognoscant. Sed id etiam mali accidit, quòd non habeant certis locis tribunalia. Sæpe sunt 50. amplius millia quærendi iustitiæ consequendæ causa, ab affecto iniuria. eunt miseri homines à finibus Samagitiæ & Liouoniæ, vsque ad terminos Masoniæ & Moscouiæ, persequentes iudicem

iudicem ordinarium. Ad hoc habemus quorannis 40. dies recolendæ dominicæ passioni, ieiunio, orationique dicatos. quos litibus attentius prosequendis transigimus. Habent ij Voivodæ suos vicarios, qui itidem curato bene corpore, pro tribunali sedere inter conuiuiorum strepitus solent parum gnari iurisprudentiæ, sed in suo Perestud emulgendero accurati. at Moscovitæ gloriantur se à nobis leges sumptisse Vitrovdinas, quas nos iam contempsimus, à Tartaris verò arma, vestes, & rationem bellandi absque curribus, exoticis cibariis & potionibus.



EPITOME FRAGMINIS

Quinta.



OSCOVITÆ irati imprecantur alicui suorum, ut fiat Romanæ siue Polonicæ religionis, ad eam exosam habent. Gymnasijs literariis, dolendum, caremus. literas Moscoviticas nihil antiquitatis cõplectentes, nullam ad virtutem efficaciam habentes ediscimus, cum idioma Ruthenum alienum sit à nobis Lituanis, hoc est, Italianis, Italico sanguine oriundis.

*Lituanis ab
Italici orsi.*

Quod ita esse liquet ex sermone nostro semilatio, & ex ritibus Romanorum vetustis, qui non ita pridem desiere apud nos, videlicet ex crematis humanis cadaveribus, auguriis, auspicijs, alijsque superstitionibus, adhuc in quibusdam locis durantibus maxime cultu Æsculapij, qui sub eadem, qua olim Romanam ab Epidauro commigraverat, serpentis specie colitur, & in veneratione habetur. coluntur & sacri penates, mares, lares, lemures, montes, specus, lacus, luci. Sed nec admodum diu facer ille perpetuusq; qui cremandis victimis Romanorum Hebræorumq; more fouebatur, extinctus est per baptismatis vndam vgnis, id est, ignis. Etenim & ignis, & vnda, aer, sol, mensis, dies, noctis, ros, aurora, deus, vir, deuir, i. e. leuir, nepotis, neptis, tu, tuus,

*Verba Li-
tuonica.*

meus, suus, leuis, tenuis, viuus, iuuenis, vetustus, senis, oculus, auris, nasus, dentes, gentes, sta, sede, verte, inuerte, peruerte, aratum, occatum, satum, semen, lens, linum, canapum, auena, pecus, ouis, anguis, anfa, corbis, axis, rota, iugum, pondus, culeus, callis, cur, nunc, tractus, intractus, pertractus, extractus, merctus, immerctus, sutus, insutus, versus, inuersus, peruersus, primus, vnus, duo, tres, quatuor, quinque, sex, septem, & pleraque alia, idem significant Lituano sermone quod & Latino. Deuenerant vero in hæc loca maiores nostri, milites & ciues Romani, missi olim in colonias, ad arcendum à suis finibus gentes Scythicas. seu vt certior fert opinio, sub C. Iulio Cæsare appulsi, Oceani aduersis procellis. Nempe cum is Cæsar, vt scribit Luc. Florus, victis Germanis & in Gallia cæsis, Rhenum proxima parte Germaniæ domita superans, ac deinde Oceano in Britanniam disiecta tempestatibus classe, parum prosperè nauigaret, delatæ enim naues maiorum nostrorum ad litus, vbi nunc est arx Samagitiæ Ploteli, creduntur egressi in terram. Quin & nostro tempore perueniunt naues quædam transmarinorum in illud idem litus. Vbi nostri progenitores laborum & periculorum maris pertæsi, & captiuis tam viris quam fœminis onusti, cœpere in tabernaculis ad focos, more militari, adhuc in Samagitia durante, vitam degere, vnde vltius progressi, subegerunt vicinos populos Iaczuingos, deinde Roxolanos seu Ruthenos, quib. tum vt Moscis dominabantur Tartari Zauolhenfes: & singulis Ruthenorum arcibus præsidebant ij, qui appellabantur Baskaki, è quibus exacti sunt à parentibus nostris Italici, qui postea Litali, deinde Lituani appellati sunt. Tum innata fortitudine, populis Ruthenicis, regionibus arcibusq; è Tartarica atq; Baskakorum seruitute ereptis, ditionem suam à mari Samagitico, quod Balteum dicitur, ad pontum Euxinum vbi ostia Borysthenis, & ad fines Valachia, alterius Romanorum coloniarum, & terras Voliniæ, Podoliciæ, Kijouiciæ, Sievvier, atque campestres regiones vsq; ad terminos Tauricæ, ac Tovvanitraiectum Borysthenis, omnia occupando, & illinc aquilonem versus ad vltimam & proximam metropoli Moscouiæ arcem Mozailco, ipsa quidem exclusa, sed Wiazmam, Dorohobusz, Biela, Toropetz, Luki, Pskovv, Noui-horod,

horod, omnibusque citerioribus arcibus & prouincijs inclusis protulerunt. postmodum amplificata sic virtute militari ditione sua, diadema quoque cum nomine regio obrinuerant Principi suo Mindavgo, sacri baptismatis charactere insignito. Sed extincto illo rege, etiam nomen regum atque Christianum interierat, donec rursum vicina nobis & Christiana gens Polona, ad sacrum baptismum & regale fastigium anno Christi 1386. inuitaret feliciter hic dominantem proauum Sacrae Maiestatis vestrae, diuū Wladislaum, Lituanicè Iagelonem nuncupatum, quod virtus duarum gentium confinium consociata fortior foret in reprimendo communi Christiani nominis hoste. Quam *Iudaei.* in regionem confluit ex alijs prouincijs omnium pessima gens Iudaica, iam per omnia Podoliae, Volinae & alia fertiliora oppida aucta; perfida, callida, calumniatrix, quae nostras merces, monetas, Sygrapha, Sigilla adulterat, in omnibus emporiis vitium Christianis praeipit, nullam artem praeter imposturas & calumnias exercet: ex progenie Chaldaeorum natio pessima, vt tradunt sacrae literae, adultera, peccatrix, infidelis, nequam, peruersa.





EPITOME FRAGMINIS

Sexti.

Servi Litua
nici.



RESTANT nobis Tartari non solum frugalitate & prudētia, verū etiam dilectione proximi. conseruant enim societatem inter se & beneficentiam. seruorum quoq; iustam habent rationem, quos non nisi alienigenas habent. & licet aut bello aut pretio quæsitos, tamen vltra septennium non retinent. iubente id Scriptura Sacra Exod. 21. at nos nec bello nec pretio acquisitos, nec externos, sed nostræ gentis & religionis, orphanos, egenos, coniugijs ancillarum irrecitos, tenemus in seruitute perpetua. abutimurq; auctoritate in eos nostra, dum eos cruciamus, mutilamus, necamus absq; iudicio legitimo, ob quamcūcūq; suspiciationem. Contra apud Tartaros & Moscos nulli magistratui licet necare hominē, licet in crimine manifesto, præterquam metropolitanis iudicibus: idq; in metropoli. at apud nos per omnes vicos, villas, sententia vulgo fertur in homines. adhæc ex solis saltem subditis nostris oppidanis inquilinis, aratoribus pauperissimis, stipendia in defensionē reipub. exigimus, dominis fundorum præteritis, cū tamen ij plura percipiant ex suis latifundiis, agricolationibus, pratis, pascuis, hortis, oleribus, pomarijs, syluis, nemoribus, melle, venatione, cauponis, officinis, mercatibus, teloneis, naulis, portorijs, lacubus, fluminibus, stagnis, piscinis, molendinis, pecorum gregibus, seruorum ancillarumq; laboribus, magis autem procederet bellica expeditio & tributum in eam, quod sit viritum, si inchoata fundorum agrorumq; omnium tam nobilium quàm plebeiorum æqualis dimensio absolueretur, qui enim maiores agros haberet, plus contribueret.



EPITOME FRAGMINIS

Septimi.



TARTARI suas mulieres in abditis semper tenent locis. nostræ verò circumeunt domos ociosæ, cœtibus virorum se miscendo, vestitu ferè virili. unde nascitur libido. iidem repleturi incolis terram quæ ad inhabitandum creata dicitur, & genus humanum ad laudem Domini propagaturi: præterea cum non omnis mulier fœcunda sit, nec quolibet mensis tempore attingenda à viro, neque semper ad concipiendum apta, & concepto semel fœtu, non sit interim cognoscenda, quippe cum prolis gratia non libidinis accipiatur vxor, & vnico congressu concipiat fœtum interdum non vnicum, vt patet in Thamat & Rebecca: propterea inquam Tartari tantum seminis virilis vigorem considerantes, neue illud præter opportunitatem effundatur cauentes: sequuti ducem naturam, atque laudabilem priscorum hominum, de quibus in Biblijs, consuetudinem, plures simul singuli vxores habent. Ex quibus coniugijs vires contra nos maiores acquirunt, numerosas filiorum & affinium copias consequuntur, & vxores, quanto plures, tanto sui amantiores habent, faustisque fruuntur matrimonijs. nec sponsarum magnas dotes quærunt, nec formas nec inclytas familias. adeò vt summi principes ex captiuis emptiis coniuges sumant.

*Polygamia
Tartarorū.*

Cæterum nostri contra morem priscorum, sanctorumque hominum, & belluarum naturam, honor sit pijs aurib. nonnumquam plures ad vnam accedunt fœminam, nullum hinc nec prolis nec affinitatis, neque vllius amicitie fructum sperantes, nec Deum verentes. dotes quærunt, formas spectant, quibus sibi fœminę obligant & deuinciunt viros. superbiiores fiunt, & id studēt vt non tam integræ quàm pecuniosæ & formosæ habeantur, et si

*Vxores Li-
suane.*

fiſtis nonnunquam pecuniis, piſtis faciebus. id quod latius in populo noſtro patere cœpit, poſtquam promulgata eſt nobis lex Sæat. Lit. diſt. 4. arti. 7. concedens pro dote mulierib. certas hæreditatum partes. vnde inſolentes factæ, ſubinde virtutem negligunt, tutoribus, parentibus, maritis immorigeræ ſunt, & viuentibus immaturam machinantur mortem. hæc multitudo vxorum facit vt vicini noſtri Tartari Preconpenſes toties à nobis ad internecionem cæſi, ruſum repululafcant. nec ita pridem in copijs Oſlam, Soltan fuerunt 40. Fratres. collectanei eius, cuiusdam Omeldes 40. filij ſimul, robuſti vno anno & menſe fortaliſis, ex vxoribus & pellicibus earum procreati. quæ cohors 40. fratrum germanorum conſpicua fuit. & hic apud fluuium Vaka villa Tartarorum frequens eſt, antiquitus 40. Tartarorum, id eſt, fratrum appellata. Mercandarum ſponſarum morem, qui eſt apud Tartaros, patet fuiſſe etiam apud Iſraelitas, Genel. 29. & 1. Reg. 18. quemadmodum & in noſtra olim gente ſoluebatur parentibus pro ſponſis pretium, quod Krienò à Samagitis vocatur. Sed nunc mancipamur dotibus vxorum, & ſerui propter eas efficimur quærentes magnificas affinitates.

Nec Tartari nec Moſci vllam permittunt mulieribus libertatem. Ac vulgò id dicunt: Qui mulieri libertatem concedit, iſi ſibi eam adimit. non ſunt ſui iuris apud eos. apud nos verò quædam multorum virorum capitibus dominantur, poſſidentes pagos, vrbes, tractus, aliæ vſu fructuario, aliæ hæreditario iure. qua dominatus libidine degunt ſub prætextu virginittis aut viduitatis effrænes, & ſubditis moleſtæ, alios odio proſequentes, alios amore cœco depereuntes, ac extollentes, cùm morte amior dicatur eſſe mulier, & nihil ſit peius ira eius. Eccleſiaſt. 7. & 25.

Femina capitanæ.

Et cum imperium muliebrequæ ſatis turpe ſit, etiam intra penetralia priuatæ domus, tamen apud nos tenentur ab eis arces finitimæ regionibus Moſcorum, Tartarorum, Turcarum, Valachorum, non niſi cordatis credendæ viris. non iniuria igitur progenitores S. Maieſtatis V. libertatem licentiamque hanc hæreditatum non permittebant mulieribus. ſed

eas nuptui tradebant, suo non illarum arbitrio: non opibus, nec genere, sed virtute nobiliorib. viris, qui se nobilitabant profundendo in bello & suo & hostium sanguine. itaque agafonibus etiam, qui se benè in re bellica gesserunt, dabantur hîc heroidæ vxores: vocati quidam Sakones & Sungailones.



EPITOME FRAGMINIS

Ostani.



VIBVS præmijs alij illecti, frequentes etiam ex plebe, fiebant boni milites, quibus fulti progenitores S. Maieſtatis V. longè lateq; ditionem proferebant suam, ita vt etiam nunc in media Taurica & Mosconia alijsque prouincijs cernantur vestigia maiorum Maieſtatis vestræ: appellantur enim ibi quidam Ge-

*Virtus anti-
quorum
Lituanorū.*

diminei ac Vitovvdini valli, colles, putei, pontes, viæ, fossæ, stariua & mœnia tormentis indigerum illorum quassata, alia verò baculis etiam Lituanorum obruta fuisse memorantur. sed tamen non torpore nec otio languebat patritia pubes, exercebatur assidue in militia more progenitorum suorum Romanorum, non illi dum indiceretur bellum, aut grauem ab hoste iniuriam, aut temporis æstiu opportunitatem expectabant: sed vel ob priuatam, vel non admodum grauem subditis iniuriam factam bella faciebant, Moscorum metropolim Moscvvam nonnunquam circa festum paschæ attingebant, ibidemq; cum hostibus supplicibus fœdera iciebant. at nunc princeps illorum ferox nobis est, vtpote qui gentes suas exercet in assidua militia. non licet cuiquam indigenarum domi semper sedere: Verùm alternis vicibus, excubandum est foris in præſidijs confiniorum. taxant hanc nostram supinam securitatem, hostes nostri Tartari, vſitato suo scommate, cum nos post comestationes somno sepultos, hîc cum verbis inuadunt: Iohannes tu dormis, ego te vinciens,

laboro. plures nunc nostrates ociosi milites in cauponis, mutuis cædibus quàm ipsi hostes, qui patriam nostram crebrò populantur, pereunt, qui exercendo se in campis cum sobriis solertibusq; hostibus, in finibus Podoliæ atq; Kiouia, haberent copiam decertandi magis gloriosam, & ex tyronibus strenui milites ac duces euaderent, nec aliunde ad ea munia obeunda quærentur. Non contemnebant suos vernas, maiores Maiestatis vestræ, quos expedit ac necesse est pugnare fortius, ac mori pro legibus & patria. Nec, si patruelis S. Maiestatis vestræ Rex Hungariæ Ludouicus, suos milites vernaculos peregrinis antetulisset, in expeditione contemptus, in prælio desertus, in fuga conculcatus fuisset. Expertus est fidem suorum, auus & illius & Maiestatis vestræ diuus Casimirus, pugnans ad Choinicze in Prussia cum Cruciferis, vbi & militis & ducis boni fungens officio, turbata suorum acie, & labore & onere armorum lassus, equo saucio languente, confestim corporibus militum gentis nostræ circumseptus, alio conscenso, disiectis hostium agminibus periculo præsentis ereptus est. quod Mosci æmulati, nec armis exercet nec pecunijs ditant milites peregrinos, aliquando è regione excessuros: sed suos vernaculos iugiter perseueraturos fouent, curæ habentes non stipendiorum, sed hæreditarum illorum quantitates. nunc autem nostri milites ordinarij in confinibus, quamuis multò vberioribus & hæreditarum fructibus & laborum, ac remissione censuum, alijsq; militaribus gaudeant prærogatiuis: tamen hæc stipendia contemnunt, permessa & armorum exercitatione & patriæ defensione transfugis Moscouitis atq; Tartaris. pendimus quotannis munera Cæsari Precopenfi: Cùm tamen nostra Litvana & Samagitana pubes ad militiam vtilior esset, tam ferocitate naturali, quàm corporum robore, & perseuerantia in præsidijs constantiore. Sed neq; hoc considerant Summates nostri, senescere ocio ciuitatem, & corpora iuuenum salubriora fieri in militia quàm domi.

Ludouicus
occisus
1526.

FRA-



FRAGMEN NONVM.



N Lituania vnus homo decem occupat officia, cæteris ab administratione illorum exclusis. at Moscus æqualitatem inter suos seruat, non uni plura munia concedit. quin vnus arcis curam eamque annuam, vel ad summum duorum annorum, duobus simul præfectis, duobus notarijs committit. quæ res facit vt aulici spe obtinendæ præfecturæ alacrius seruiant suo principi: & subiecti clementius habeantur à præsidibus, postea rationem reddituris, & in iudicium venturis. nam damnato repetundarum, in eundem est cum iniuria affecto, plebeio etiam, duellum. & quamuis liceat incusato, alium loco sui ad certandum surrogare: tamen hoc succumbente, accusatus pœnas luit. ita fit, ut minus crebræ audiantur in regia oppressorum querelæ.

Duella Mosconica.

Quin & in re familiari, enitet solertia barbari illius. ad eò enim nihil in ea negligit, vt & paleas, stipulas, stramen vendat. proferuntur in conuiujs eius grandes pateræ aureæ & argenteæ, stramineæ cognominatæ, id est, è straminum palearumq; pretijs conflatæ. Habet & id commodi ex frugali præfecturarum dispensatione, vt quoscunque ad limites terrarum tuendos, ad negotia publica, legationes etiam longinquissimas obeundas mittit, hæc ipsi non vllis sumptibus à principe acceptis, sed suis perficiant. Et siquidem omnia ex re ac sententia eius peregerint, præmiorum loco non præsentem pecuniam, sed has de quibus iam dictum præfecturas, ab eo accipiunt. quarum similes apud Romanos quoq; fuisse Lucas in Actis cap. 24. testatur. Expleto inquit biennio, accepit successorem Felix Portium Festum. Econtra apud nos qui aliquo allegantur, quamuis nondum meriti, tamen abundè accipiunt ex ærario pecunias, licet plerumq; rebus infectis, reueniant. ijs per quorum possessiones iter habuerunt, graues, & equis dispositis quos podvvodas vocamus exhau-

ftis, at in Moscouia nulli pater vsus talium equorum, quàm tabel-
lario publicæ necessitatis causa præproperè currenti, quorum
veloci cursu, & crebra fessorum mutatione, (nam vbique loco-
rum sunt eam ad rem pernices & integri,) nunci perferuntur ci-
tissimè. In Lituania verò, prodiga est diplomatum dandorum ad
eiusmodi cursus Cancellaria Maiestatis vestræ. Subinde de lassan-
tur Podvvodæ priuatis aulicorum rebus vehendis. fitq; tali de-
fectu Podvvodarum, vt incauti inuadamur ab hostibus, aduen-
tum illarum ab ipsis finibus, præuertentibus. Sunt autem non ita
pridem ab hoc ministerio exemptis, qui illud fundis ad hoc an-
tiquitus acceptis, præstare debebant, per omnes vias à regionib.
Moscorum, Tartarorum & Turcarum ad Vilnam Metropolim
nostram. quæ illorum priuilegia, abroganda essent, vtpote no-
centia publicæ vtilitati. Transfugarum Moscorum crebrò ad
nos venientium, magna iam est multitudo, qui exploratis rebus,
& pecunia, fortunis, rerum morumq; nostrorum cognitione in-
structi, liberè ad suos reuertuntur; dum hîc sunt consilia nostra,
clàm suis produnt. at apud Tartaros in mancipiis habentur: ab
Liouonienfibus verò, licet nullas illorum terras occupauerint
Mosci, sed perpetuæ pacis vicinitatisque fœdere coniuncti ipsis
sint, tales occiduntur. Porro qui occidit, is vltra spolia cæsi, capit
à magistratu certam pecuniam. quippe parent Siracidi monenti,
ne vnquam credas inimico tuo, ne statuas eum iuxta te, ne con-
uersus stet in loco tuo, quibus consilijs si & nos obsecundasse-
mus, non arces neq; prouincias Seuerenses amissemus. quibus-
cum defecerunt à nobis Mozaiski & Ossomacirz. hi enim rece-
pti inopes, descuerunt locupletes, aucti prouincijs administra-
tioni suæ creditis. Est namq; hoc hominum genus dolosum, &
perfidum, nusquam syncera fide vel animo firmo. reuersi in pa-
triam ducesque sui facti, vastarunt audacius regiones nostras. In-
ter perfugas Moscos, qui intempestis noctibus homines Vilnæ
contrucidabant, & ex carcere suæ gentis captiuos liberabant,
fuit vnus presbyter qui cancellariæ regiæ clandestinè quæsitæ
exempla fœderum, decretorum, consiliorum, ad suum Ducem
mittebat. alius Eucharistiam, de quadam virgine inter commu-
nicandum seruata, causa magicarum præstigiarum emit. & cum

anno

*Transfugæ.**Mosci mali.*

anno 1529. omnis Vilna deflagaret, confestim hoc istud sagax & sceleratum genus hominum, principi suo indicauit. vbi in templo cathedrali diui Stanislai, plumbo recti & fastigijs inauratis, multisque vasis aureis, argenteis atque gemmis ornati, conflagrarunt antiqua vexilla, in victorijs acquisita Roxolanorum, Moscorum, Alemanorum aliorumque populorum circiter trecenta, noua 12. quæ ibidem appensa erant, post victoriam de Moscis ad Orsam 1514. 8. Septembris, natali die Mariæ virginis: Cùm cæsorū & captiuorum octoginta millia essent. Est enim à vafro illo homine transfugæ redeuntri etiam inani & inerti constitutum præmium, seruo libertas, plebeo nobilitas, debitori obærato absolutio, scelerato impunitas. Est nobis insignis arx & oppidum Kiouia, quæ tamen vt aliæ, negligitur, ex cuius promontorio multa alia videri loca, vulgatum est Roxolanorum prouerbum. Princeps aliarum arcium & prouinciarum, ad amnem sita, campestres & syluestres hinc inde attingens regiones, habet fundos aded fertiles, & cultu faciles, vt duobus saltem arati bobus idq; semel germinent copiosissimè. inculti etiam herbas proferunt, radicibus & culmis cibantes hominem: & arbores variorum nobiliumq; fructuum, atque vites. vix minimè agrestis racemorum grandium: labruscæ vltro in ripis quibusdam pullulant. Quercus & fagi veteres, vetustate excauatæ, examini- bus apum & fauis, colore & sapore iucundissimis redundant.

De Kiouia.

Ferarum in syluis & campis tanta copia, vt bisontes, onagri, cerui, tantum pellium gratia mactentur, quorum caro ob nimiam abundantiam omnis abiicitur, præter spinam dorsi pinguioris. damæ, apri contemnuntur. Dorcarum ea vis migrantium hyeme è campis in syluas, & æstate in campos, vt tunc singuli rustici mille occidant. Castores frequentissimi in ripis domicilia habent. Animum multitudo miranda, aded vt pueri verno tempore repleant scaphas ouis anatum, anserum syluestrium, gruum, cygnorum, deinde pullis earum referant viuaria. Aquilarum pullos caueis recludunt pennarum causa, sagittis aglutinandarum.

Canes nutriunt carnibus ferinis & piscibus. nam incredibili multitudine turionum aliorumque grandium piscium, ex mari sursum in dulces aquas ascendunt, scaturiunt amnes. quo-

*Ingens vis
piscium.*

rum aliqui aurei appellantur, Præsertim Pripiecz. qui certo quodam loco apud Mozir, ad ostia fluuioli Tur, recenti vnda è fontibus emanante, repletur quotannis ad Kalendas Martias, tanta piscium multitudine, vt hasta inter eos immissa hæreat ac perster recta, perinde si terræ infixæ foret. tanta est piscium densitas, quod nec ego crederem, nisi sæpe vidissem hauriri illinc pisces absque intermissione, replerique eis mercatorum exterorum die vno mille circiter currus, qui ad statum illud & anniuersarium tempus illò conueniunt.

Borysthenes.

Omniū autem qui ibi sunt fluuiorum, & maximus & fructuosissimus est Borysthenes, immensam copiam non piscium tantum sed aliarum etiam rerum Kiouix suppeditans. Cui ab Oriente supra Kiouiam iunguntur amnes Dessna, Siem alijsque è prouincia Sevvierienfi & Moscouia. à Septentrione verò, Occidente & Meridie, illabuntur in eum Sos, Beresina, Prypiecz, Slorzesnia, Vssa, Tererevv, Rpievv, aucti singuli fluuijs, Vechra, Propalcz, Iputz, Drutz, Bobr, Tirvva, Pczit, Slucz, Oressa, Stir, Horinia, Piena. fluunt & alij multi de terris Lituaniæ, Rursiæ, Voliniæ & Moscouiæ, deorsum atq; sursum, per quæ omnia deuehuntur Kiouiam pisces, carnes, pelles, mel & sal ex lacunis Tauricensibus, Kaczibieiovv appellatis. vbi singulæ naves implentur sale emto denis sagittis.

*Tartarorum
nau. gatio.*

Est etiam Borysthenes omnibus Maiestatis vestræ prouincijs ad arcendos incurfus Tartarorum vtilis. Nam & nauigantibus eo, infra Cerkasi obstant quædam limina vndecim locis, certa habentia nomina. hæc ardua & transuersa cautibus asperis eminent. quæ transiri nisi exoneratis nauibus non possunt, & propter excelsas & abruptas riparum rupes non potest accedi nec trajci, nisi quibusdam locis infra Cirkasi. ea appellantur Kermeczik, Vpsk, Hierbedeievvro, Massurin, Koczkosz, Tovvany, Burhun, Tyachinia, Oczakovv. quæ loca vel parua manu nauali obfessa, arcet à transitu maximas Tartarorum copias. Nam cum tranant vt solent absq; nauibus, equis adnixa, & inermes & nudi: profligantur ab ijs qui armati, nauculis proruūt ex insulis, arundinetis atq; salicetis.

Sed vt habent Precopenses Borysthenem nostrum æstate sibi infestum,

infestum, ita hyeme commodum, quia tunc sublata nauigandi
 opportunitate, securè greges suos extra fossam in eiusdem annis
 insulis & salicetis pascunt. Ideò illum melle & lacte fluere di-
 cunt. quippe qui supra per nemorosos & apiferos, infra per cam-
 pestres & pasuos means agros, suppeditet accolis lactis mellis-
 que copiam. propterea ij persuasum habent, colenda sibi esse fœde-
 ra, & societatem seruandam cum magno duce Lituaniæ Bory-
 sthenis Domino. qui annis totus à summo ad imum fluit, scilicet
 & oriens & occidens per terras ditionis vetustæ Lituaniæ, iux-
 ta arces à me perlustratas, Viazma, Dorohobusz, Smolensko, Du-
 brovno, Orssa, Mohilevv, Rohaczovv, Bihovv, Reczicza, Lu-
 becz, Czornobil, Kiovv, Kanievv, Czerkassi & Daffovv, aliter
 Oczakovv. Vbi inuoluitur mari duodecim ostiis diuisus. quo-
 rum summitas dicitur Linien. Vnde haud procul ostia Dnestri,
 cognomen habent Vidouo, ab Ouidio poëta, qui ea in parte pon-
 ti exulasse creditur. Ita & Ilium seu Troiam quidam existimant
 fuisse in territorio Kiouienfi in campis fertilissimis, nemori-
 busq; amœnissimis. Vbi cernuntur monumenta, extantibus ad-
 huc multis ruinis, fornicibus, cryptis, pauimentis marmoreis, &
 magnorum murorum reliquiis: qui locus pridem desertus, sed ad
 habitandum commodissimus, vocatur nunc Torgouitza.

*Arces ad Bo-
rysthenem.*

*Ouidii exi-
lium.*

Mercimonijs quoq; exòticis affluit Kiouia. Quidquid enim
 gemmarum, holoserici, auri filati, bombycis, thuris, thymiamati-
 tis, croci, piperis, aliorumque aromatum ex Asia, Perside, India,
 Arabia, Syria fertur in Septentrionem, Moscouiam Plefcouiam,
 Nouogardiam, Sueciam, Daciam versùs, non alia certiore, re-
 ctiore, & magis trita via quàm ea quæ à portu ponti Euxini, hoc
 est, ab vrbe Caffa, per portam Tauricæ, & Tovvani, traiectum Bo-
 rysthenis, & inde per campos Kiouiam ducens, antiqua & sulco-
 rum suorum profunditate notissima est. Solent enim illac cre-
 brò proficisci exteri mercatores plerunq; mille numero, aggre-
 gati in cohortes Korouani appellatas, cum multis carpentis o-
 nustis & camelis clitellatis, à quibus insigne telonium antiqui-
 tus pendebatur progenitoribus Sacræ Maiestatis Vestræ, in tra-
 iectu Borysthenis ad Touani. vbi etiam hodie extat camera lapi-
 dea fornicata integra, quam & nostrates & Tauricani & Græci,

*Iter merca-
torum O-
rientalium.*

Pœna scortatorum.

balneum Vitordinum vocant. aiuntque excubasse ibi publicanum Magni Ducis Lituaniæ. qui telonium exigebat. quod si quis non soluisset, aut scortatus esse deprehensus fuisset, is confiscatis Kiouiaë bonis omnibus, multabatur. quæ lex Ossimicz-tyvo dicta, frænandę salacitatis Saracenicæ causa sancita, & multis seculis seruata, haud pridem antiquari cœpit.

Quando verò mercatores duplicem Borysthenis traiectum fugientes, nec telonium Maiestatis vestræ pendere volentes, ommissa via antiqua ducente per ditionem Maiestatis vestræ, à porta Tauricæ deorsum digrediuntur, restā se campis inuis in Moscuiam ad Putiul cōmittentes, vel ex hac redeunt, sit vt à quibusvis spoliuntur, etiam à latrunculis ibi oberrantibus.

Tum verò multa lucrantur Kiouienſes Præsides, publicani, mercatores, trapezitæ, naucleri, vectores, lixæ, caupones, nec antehac de hoc querebantur, aut Moscus, aut Turca, aut Tartarus. Verum & tum commoda percipiuntur ex his Korouanis, cū interdum brumali tempore iter habentes per campos inuium, aggeribus omnes obruuntur atq; suffocantur.

Ita cōtingit vt tuguria Kiouienſia, alioquin satis superque frugibus, fructibus, melle, abundantia & carnibus piscibusq; sordentia redundant pretiosis sericis, gemmis, zobolis alijsq; pellibus, aromatibus, adeò vt viderim ibi sericum quam vilnæ linum, & piper sale vilius esse. Est etiam fœlix & celebris Kiouia hominum affluentia, nam ad Borysthenem, & alios in eum influentes amnes, multa sunt oppida populosa, plures villæ, quarum incolæ iam inde à puero assuescunt natare, nauigare, piscari, venari: quorum alij vel patriam potestatem, vel seruitutem vel laborem, aut poenas vel æs alienum cæteraue fugientes: alij lucri vberioris, locique celebrioris gratia, præsertim verno tempore, in eam appellant. Cuius arciumque infra eam sitarum experti delicias, nunquam deinceps ad suos redeunt: ac breui tempore redduntur exercitatiores, cominus vrsos, bisontesque feriendo. quibus vitæ periculis assueti, sunt animosiores. proinde facilius ibi habetur copia bonorum militum.

Vladimirus Moscorum dux,

Eadem fuit Russiæ Moscouiæq; ducum regia: in qua itidem Christiani facti sunt, quæ nunc quoque Basilicas habet vetustas è mar-


ē marmore polito, & alijs exoticis materijs, sumptuose ædificatas, plumbeis, æneis, quibusdā etiā inauratis laminis tectas. Sunt & monasteria opulentissima, maximè quod Beatæ Virgini Mariæ consecratum est. id in suis cryptis & cuniculis subterraneis habet multa sepulchra, in quibus sunt cadauera integra & arida: quæ cum sanctorum esse credantur, magna veneratione à Ruthenis coluntur. nam quæ ibi corpora sepeliuntur, eorum ab hoc animæ salutæ futuræ creduntur. propterea omni præstantiori ex longinquis quoq; locis nobilitati, & sumptibus & eleemosynis magnis, sepulturæ ibi quærentur. Seruat & Moscorum dux non paruum pecuniam, quam ex fundis eiusdem monasterij in suam potestatem redactis, singulis annis colligit. Sed reddere id eo differt, quod hanc sedem, quæ ipsi cordi est, magnopere expetit, stirpem se esse Volodimiri hæredis Kiouïæ dictitans. non minus dolent illius homines, quod non possideant tam antiquam stemmatum sanctuariorumq; suorum cathedram.

fit Christianus cum suis Anno 988.

Superstitio.

Tot virbis commoda, habent etiam sua incommoda. nam incolæ eius haud tuti sunt à Tartaris, ex insidijs terminos eius attingentibus. tamen non tentant vi expugnationem illius. Est & aduenis periculum à febribus ex diurno somno, & piscibus atq; fructibus auidijs sumtis, prouenientibus: equis autem eorum ex graminibus eluuiæ pisculenti Borysthenis infectis. Segetes quoque sæpe corrumpuntur à locustis, ex maritimis locis venientibus. Nascuntur ibidem ad aquas & in syluis, ut apum ita aliorum examina insectorum, sanguini insectorum, ut bruchorum, culicum, muscarum, potissimè

Locustæ.



à Kalendis Iulij.



EPITOME FRAGMINIS
Decimi.



RELIGIO seu lex est communis Tartaris cum Turcis atque alijs Saracenis, quæ Iudaismum olet, & hæresim quandam Nestorianam. Deum vnicum & simplicem profiteretur. Christum verò, sanctum Prophetam & iudicem mundi postremum, Virgine pura natum, sed non passum credit. Circumcisionem observat. Sed eam tam adulta ætate suscipit, qua Ismahel patriarcha illorum circumcisis erat. Orta autem hæc secta proditur in Mecha oppido Arabiæ, Anno salutis humanæ pene sexingentesimo, suggerentibus eam Iudæis, ibi post eversam Ierusalem degentibus, machinatione cuiusdam Sergii monachi & apostatæ nefandi, in perniciem Christianitatis. Ea edita per quendam Arabem idiotam, ingenii callidissimi, qui ex auriga vir & dominus vxoris suæ diuitis factus, ad principatum etiam inter suos aspiravit. quo conatu frustratus, se nuntium & prophetam Dei finxit, & idolatris Arabibus persuasit. Hæc lex quâ armis proferendam sibi esse existimant, adeò fabulosa est, vt finem bonorum & summam voluptatem statuatur in voluptatibus, quibus scilicet beati gustu, tactu cæteribusque sensibus exterioribus, in futuro seculo explendi sint. Et tamen barbari in tali errore pecuino iactant se Dei proximi que amore, & operibus, quibus placatur Diuina Maiestas, nos excellere. eamque ob rem propitium sibi esse Deum pollicentur, suarumque rerum statum, vt est hominum vanitas, angustiorem indies facturum sperant.

Nos autem Christianos ob magnam rerum diuinarum negligentiam, & quas alius alium afficit iniurias, iniquitates, vituperant, rident, barbaros, exleges, nomen saltem Christi gerentes,
non

*Mahomet
legem fert
anno 621.*

non legem eius præstantes, conuitijs incessunt, & sua indignos communionem reputant. Iustitiam sanctè colunt. Religionem suam assiduo conatu propagant. Diem à precatione auspiciantur, & precibus finiunt. quotidie mane, vespere, & pomeridianis horis orant: nulla, quo id minus agant, necessitate auocari se sinunt. non id opus in solos sacerdotes reijciunt: etsi illos saltem à precatione & lege interpretanda habent. quilibet pro se tam clericus quam laicus pariter, & clam & coram hominibus turmatim in cœtibus Deum confitentur. Semper sobrii, aqua lustrali membra lori, terram in qua cum Deo loquuntur, imitati sacram scripturam pro sancta ducunt, & insternunt. nulli sedilibus in fanis vtuntur. characteres, præscriptos & certos gestus adhibent, palmas ad cœlū expandunt, genua flectunt, incuruantes se vsque in terram, proni in faciem procidunt, toto corde & omnibus membris orationi incumbunt, in qua nō valde multa verba repetunt, sed hæc precipua: *Soli Deo immortalī Creatori cœli & terræ, præter quem non est alius, honor & gloria in secula seculorum.*

*Cerimonie
Turcicæ &
Tartaricæ.*

Precationi adiungunt ieiunium. affligunt enim totos dies animas suas non solum fame & siti, sed ab omni opere & verbis profanis abstinentes, nihil præter diuina curantes vsq; ad intempestam noctem, capientes cibum non ad luxuriam, sed ad virium refectiōem. Rident ieiunia nostra non fame, non siti, non cinere, non rerum diuinarum contemplatione, non vigilijs, non orationibus condita.

Ieiunium.

Sunt & in eleemosynis dandis liberales, neminem enim suorum vnquam mendicari, aut fame vel algore perire patiuntur. Adhibent tamen in hac beneficētia iudicium. nam non dant ijs qui eleemosynam in ingluuiem & luxū conuertant: sed pauperibus, debilibus, peregrinis, scholasticis, literis & ritibus Religionis ipsorum cognoscendæ studentibus.

Arcana diuina scrutari nefas prophaniumque esse existimant, nostram temeritatem execrantes, quoddam ex nobis de iudicijs & secretis diuinis, quæ magna abyssi vocantur, in suis commessationibus disputent, nomen Diuinum frustra vsurpent. Irridēt Tartari nostros Ecclesiast. seu prophetas, taxant tēpla su-

pellestilis, sediliorum, ararum, simulacrorum, & Dei ad senectutem vergentis, & mulierem venustarum, lasciuia mouentium plena. quibus in sedilib. honoratiores molliter recumbant, cum res diuina agitur, dormiant. iidem obscurioris conditionis homines à confessu arceant, in templa multis cincti stipatoribus veniant, eosdem ante se, suam ostentantes superbiam stare sinant. at ne ipse quidem Tartarorum Tyrannus, ante quenquam apparitorem, stipatoremque in Synagoga stare, aut se præ vulgo illustriorem esse patitur. non vllam sedem quærit, quanto maior est, tanto se humiliorem præstat.

Nos æris pulsu, illi certis laudis diuinæ verbis ab vociferationibus ad templa se inuitant: nos quod in laudibus diuinis aures delectemus nostras buccinis, organis, harmonijs, verba precationis obscurantibus, & organis interea nostris naturalibus silentibus, reprehendunt.

Sacerdotes.

Quos habent sacerdotes ij, nec auari sunt, nec ambitiosi, neque voluptatibus, aut acquirendis possessionibus dediti, multo minus negotijs secularibus implicati: sed sunt frugi, mansueti, modesti, officij sui studiosi, religioni intenti, qui tantum præcitant, & legem interpretantur.

Taxantur etiam sacerdotes nostri non solum ab Ethnicis sed à vicinis nostris Ruthenis, quod vinum, quæ est res luxuriosa, bibant, carnes manducent, neque habentes in se procreandi sibi simile appetentiam, vxores ducant. cum nemo continens esse, nisi id ipsi Deus dederit, queat. ab his abstinent cælibes monachi Græcorum. Porro habuisse antiquitus sacerdotes suas vxores, id ex multis Sacræ Scripturæ locis liquet. Leuit. 21. 3. Esd. 9. Dan. 14. Ezech. 4. 4. Baruch. 6. Luc. 1. 10. 18. ad Titum 1.

Quod si nunc etiam nostri facerent, abstinendo ante triduum, cum vasa domini portanda essent: viuerent sanctius quam in fucato coelibatu delicati epulones. quos vri semper libidine aut concubinas alere, id est, vt Sophonias dicit, sanctum polluere necesse est. Et tamen nos in istos mercenarios officium laudandi Dei, nobis scil. graue, rei jciimus: cum ij irritent potius suis prauis moribus, quam placent Deum, vices à nobis sibi delegatas, in vicarios negligentes rei jciunt: ipsi interea ociosi & voluptatibus intenti,

intenti, vt fuci mel apum, sic isti labores populi comedunt, epulantur, seq; vestiunt splendide. ad munia Ecclesiastica, multa simul, nondum adulta ætate, nec sua natura perspecta, temerè aspirant. negotijs secularibus & profanis se immergunt.

Et licet olim sacerdotibus nefas erat habere partem possessionum cum populo Dei, præter Decimas: tamen nostri non contenti decimis, victimis, pro peccatis, primitijs, varijs quæstibus, *Quæstus sacerdosum.* quos à diuitibus, egentibus, nascentibus, nubentibus, ægrotantibus, morientibus, mortuis percipiunt: adhæc præter opima prædia, multarum simul Ecclesiarum regimina, iactura publica, contra ius & rationem appetunt. cum interim alibi potius quàm in his Ecclesijs, ad quas vt dicit Dominus, non per ostium sed tanquam fures & latrones ingressi sunt, non vocati viuant, eas laicis, negotiatoribus, lænonibus locent, vendant. multæ sunt, quæ nunquam viderunt suos pastores seu plebanos.

Si quis à Regni finibus fermè per omnem Lituaniam & Samagitiā atq; Rufsiam, in Ecclesijs prouetuum adeò bonorum, vt vna multos alere queat, suos quærat pastores, nulla inuenietur in qua pastor assidue habitet, aut eam crebro inuisit. Ideo vacillat ouium fides, friget Dei amor, cessant diuinæ laudes. Contra tales verò multis locis detonant diuina oracula. Sed nolo me sacerdotibus, quibus nos & subijcere & ostendere debemus, post tot genera hominum à me lacesitorum reddere infensum. satis sit hæc recensuisse. quibus in meliorem statum redactis, viuemus beatius, cum laude vestræ Regiæ, sed in primis Diuinæ maiestatis.

FINIS

FRAGMINVM MICHALONIS
Lituani.



IOHAN. LASICII
Poloni,
 DE DIIS SAMAGITARVM
 CÆTERORVMQVE SARMATA-
 rum, & falforum Chri-
 ftianorum.

Item,
 DE RELIGIONE AR-
 meniorum.



*Amplitudo
 regni Polo-
 nici.*

AMAGITIA mare attingit Balticum: cuius figura triangularis est. longitudo septuaginta milliarum Germanic. hanc separant fluuij: à Prussia Nemel, ab Curlandia regione Liuonica, Helingegau. quæ provincie, aliæq; vsq; ad Borysthenem, in Pontum Euxinum illabentem, regis Poloniæ imperiam agnoscunt. In ea regionis syluosæ parte, quæ ad Regiomontum, Academia, anno Christi 1544. 17. Augusti instituta, plurimum claret. Sunt antiqui Borussi: lingua, moribus ab ijs diuersi Germanis, qui hodie permisti Polonis, Prussiam incolunt.

*Origo Sama-
 gitarum.*

Tradunt veteres, maiores Samagitarum, (Zamagitis enim se ipsi vocant) Italos fuisse. Neronem Imperatorem de bellica expeditione cogitatem, illos etiam exsules Romanos, qui in Giaros sterili quadam insula habitabant, euocare in militiâ voluisse. Verum hos metu crudelitatis imperatoriæ consensu eorum à quibus bis teruè euocabantur nauibus, ipsismet autem cæsis,
 ad

ad Pontum Euxinum appulisse, dehinc per saltus, vbi olim Romana venatio fuit, quiq; hodie magna ex parte excisi iam, Ruffiæ, Podoliæ, Lituaniæq; cognomina habent, vsq; ad mare Balticum, quod Ruffi, à Varetzgois quibusdam populis Liuonicis, *Mare Varetzgoie.* quibus tum parebant, mare Varetzgoie appellant, penetrasse. rei huius vt idololatriam, gentisq; calliditatem, Romanæ similem; ita sermonem ex Latino quodammodo, barbaroq; cōflatum, indicium esse. Michalo fragmine quinto de moribus Tartarorum, & suorum Lituanorum, paulò hæc aliter refert. ait enim, classis Iulij Cæsaris ex Gallia in Britanniam nauigantis partem, cohortis tempestatibus, ad litus Samagiticum, vbi nunc est arx *Ploteli arx Samagitica.* Ploteli, peruenisse, sæpeque etiam hodie in illud ipsum litus, naues nauigantium, vi ventorum eijci solere. vbi Lituanorum progenitores, periculorum maris pertæsi, & prædis onusti, in tabernaculis ad focos, more militari, & adhuc in eadem Samagitia recepto, habitarent. vnde vltèrius progressi, Iaczuingos atq; Roxolanos subegerint. Haud absurda coniectura. Nam & Zamagitia, *Zamagitia terra inferior.* propter mare vicinum, & Lituaniam superiorem, terræ inferioris appellationem habet: & Lituanorū cum Samagitis idem propemodū sermo est, idem habitus, iidem mores, eadem ferme religio. Quæ regio cum aquilonalis sit, tam paruæ sunt in ea media æstate noctis tenebræ, vt radij solis occumbentis excipiant orientē, tumq; plurimum agricolæ segetes demetant suas. nempe quòd duab. ante meridiem horis, totidemq; post, solis æstum *Solis ingens æstus.* ferre in agris messorum nequeant. Et licet vix antè, quàm trib. post Pentecosten hebdomadis, agros conserant: tamen id ardor cœlestis efficit, vt eodem quo & apud nos tempore, messis fiat: æstas haud diu duret. similis in Molcouia feruor, (mirandam diuinam prouidentiam) sex hebdomadis, frugibus maturitatem adfert.

Secus fit in Irrlandia vltra Sueciam, sub ipso polo. ibi enim sex mēsum dies est, totidem est nox. cuius tenebras focus perennis dispellit. qui locus abest à Stokholm metropoli & regia Sueciæ, trecentis milliaribus Germanicis. Id Iohannes tertius, Rex Suecorum, qui nunc rerum potitur, cuiq; sua ditio bene nota est, cuidam medico, is autem mihi narrauit. Sita est Stokholm in ipso littore, trans mare Balticum, è regione Samagitiae.

Ceruifia.

Solum Samagiticum fertile quidem est, sed cultores eius pigri, nec alijs quam ligneis, superstitione quadam, in arando vtuntur vomeribus. Idcirco inopia panis laborant, cuius loco rapis tostis, quæ minori labore proueniunt, & instar humani capitis nascuntur, vesci soliti. His verò absumtis, ad panem comedendum se conuertunt. Mellis albi, lactis, butyri, pecoris diuites, pinguib. pascuis felices. Nec eis pisces defunt. Potus, hydromel & ceruifia est. Hæc in vasis, ex corticib. factis, positis intus saxis feruidis, ex aqua, frumento, lupulo, vna nocte cocta, protinus sæces accipit, posteroq; die bibitur. percommoda alui purgandæ ratio. Præcipui cornibus vrorum ornatis (boues sunt syluestres, valde feroces) pro poculis vtuntur: strenuos compotatores, cantharo hydromelis, indusio, mantili, manicis, sudariolo, seu re quauis alia operis domestici libenter donant. quib. ceruifia non est, ij aquam bibunt, proceri, agiles, animosi, robusti, ad arma prompti.

*Samagita
annosi.*

Viuunt autem vulgo centum annos. sunt enim frugales, & modicis exercitijs dediti.

Wladislai Iagiellonis Polonorum Regis opera, Anno humanæ salutis 1413. (Lituaniam autem 1387.) Christiana religione initiati sunt. quibus episcopum Miednicij præfecit. duodecim paræcos dedit. dandis pecunijs, pannis cæruleis, pileisq; rubris, iuxta montem Schattia, ad baptismum amplectendum illexit. Vbi monacho regio, demundo Adamoque à Deo creatis concionante, vnus illorum hisce verbis Regem compellauit: *Mentitur inquit, ô Rex, hic homo, non admodum senex, multi enim nostrum centesimum annum superauerunt: tamen hæc minime recordantur. eadem illis pueris quæ senibus cæli conuersio, eadem temporum vicissitudo, idem cursus & fulgor syderum fuit. Cui Rex, officio & ipse concionatoris fungens, Verum ais, inquit: nec falsum sacerdos, qui non sua ætate, sed multis ante seculis mundum diuino mandatu ex nihilo extitisse dixit.*

Res pecuaria.

Rei pecuariæ adeo sunt studiosi, vt vnus agricola sexaginta, alius duplo plus, paullo minus alius cornuti pecoris, præter oues & caprasalat. Equi illorum paruuli: ob nimium opinor frigus: sed tamen robusti, quorum vno, Anno Domini 1554. duobus florenis Vilnæ in Lituania emto, & trahæ iuncto, vectus

vestus sum cursu celeri vsque Cracouiam, 120. mil. Germanicarum. Fœminæ pecori curando, viri agris colendis dant operam. iidem deni aut vicieni, plures vel pauciores, in vno tugurio linum, lanam, cannabim pectunt, nent, texunt, vestes faciunt. Quicquid horum superest, id Rigam vel Regiomontum, hinc in Hollandiam, pretio tolerabili mittunt. lino enim maximè & cannabi, agros suos complent. Dispersè per sylvas, campos degunt. rara oppida, nec pagos nimium multos, arces autem munitas nullas habent. quorum fenestræ meridiem versus spectant. Studio Sigismundi Augusti Regis, anno 1572. 7. Iulij mortui, in cœtus & societates conuocati. Mapalia, quæ turres appellant, *Mapalia.* sursum angusta, atque quâ fumus & foetor exeat, aperta, ex tignis, asseribus, stramine, corticibus faciunt. in his homines cum omni peculio, in pauimento tabulato stante, habitant. ita pater familiâs omnia sua in conspectu habet, & feram noxiam, & frigus à pecore arcet, ad ostium cubat, deastro foci custodia commissa, ne vel ignis damnum domicilio det, vel prunæ nocte extinguantur. Vbi crebrò accidit, vt vel sus vel canis ex olla in foco stante, carnes auferat: aut rostrum, aqua feruente, lædat. Qui in pagis degunt, ii caulas separatas ab æstuariis habent. Tam hi quàm illi plumis concisis, culcitrâs farciunt. quæ non possunt non pungere, & vigilantem reddere cubantem. Paterfamiliâs, mactatis autumnò auibus domesticis, iisque pecudibus ac bobus, quos se brumæ tempore non posse alere animaduertit, genio cum suis indulget: quæq; supersunt, ea doliis inclusa, maritimis vendit. foras egressus, alcem, aprum, ceruum, auem, *Fera.* sciurum, bombardam, venabulo, balistâ, arcu conficit. Sunt enim iaculatores & sagittarii præstantes. in quorum curribus nihil omnino ferri inuenias. omnia lignea, rotæ ex radicibus arborum inflexis, quas procul audias venientes, axibus, quòd eas non illinant, stridentibus.

Virgo nõ antè nubit, quàm triginta annos, aut minimum 24. *Virgines.* expleat: & ipsa manibus suis, aliquot corbes vestium, omnibus cum sponso venientibus dispartendarum parat. tum enim dat singulis, vel indusum, vel mappam, vel mantile, vel texta è lana tibialia, vel chirothecas. hæc in agrum non prodit, nisi prius pa-

Pudicitia.

rentibus inferuiat, & in omnibus morem gerat. idem facit filius. ac præmissi qui eam in matrimonium petat, primum omnium, num progenitoribus sit morigera, reiꝑ; familiaris studiosa, considerant. Et viri & scæminæ, sunt amantissimi honesti, rarissima apud eos homicidia, furta, stupra, incestus. puella striato persequitur cultro se ad impudicitiam sollicitantem. quæ duobus, ante & retrò pendentibus de zona tinctinabulis, nocte autem semper cum face incedit. quibus rebus monentur parentes, vbi sit, quid dūe agat filia. Pater filio vxorem quærens, nec formam nec dotem spectat, satis esse ducens dotatam, si sit morata. quæ succi plena atq; adulta, magna cum læritia, in domum foceri inducitur.

Præfeti.

Præfectos, quos Ciuonias vocant, non adeunt, quin ipsis aliqua munuscula adferant. Summus toti regioni, dum viuit, præest Lituanicus Senator. hodie est vireximius Iohan. Kiscka Palatino Vitepscensi natus. inter eos qui minoris dignitatis sunt, fuit Iacobus Lascouius, Polonus nobilis, tractus Calisienensis, ex quo hæc percepi: qui in hisce hominibus piè erudiendis, & in certa loca cogendis, Sigismundi Augusti iussu, plurimum operæ impendit. cui Deum Vnum prædicanti, respondebant idololatæ: *Quid tu nobis Vnicum Deum, quasi omnibus nostris potentior inculcas? plus vno multi possunt, plura plures agunt.* Idem agros illorum ad 40. iugerum millia dimensus est. horum tria vni rustico assignata, præter alia minutiora commoda, quinq; florenos fructus annui Regi adferunt.

Sylva.

Iussi autem à Lascouio arbores excindere, inuitissimi id, nec prius, quàm ipsemet inchoaret, fecerunt. deos enim nemora incolere persuasum habent. Sequitur persuasionem effectus. nam in syluis illorum horrenda quædam visa ac spectra, tam aurib. quàm oculis spectantium sese offerunt. Tum vnus inter alios percontari, num etiam decorticare arbores liceret. annuente præfecto, aliquot magno nisu hæc reperens decorticauit: *Vos me meis anseribus, galliꝑ; gallinaceis spoliastis: proinde & ego nudas vos faciam.* credebat enim demens deos rei suæ familiari perniciosos, intra arbores & cortices latere. Quorum tantus penè est numerus, quantus aliorum apud Hesiodum. Nam præter eum, qui illis est Deus Auxtheias Vislagistis, Deus omnipotens atq; summus, permul-

Dii.

tos Ze-

ros Zemopacios, id est, terrestres ij venerantur, qui nondum verum Deum Christianorum cognouerunt. Percunos Deus tonitrus illis est. quem coelo tonante, agricola capite detecto, & succidiam humeris per fundum portans, hisce verbis alloquitur: *Percune deuaite niemuski vnd mana, diervumelsu tavvi palzi mieffu. Cohibe te inquit Percune, neue in meum agrum calamitatem immittas. ego vero tibi hanc succidiam dabo.* Verum postquam nymbus praeterit, carnes ipse absumit. Percuna tete, mater est fulminis atque tonitruui: quæ solem fessum ac puluerulentum, balneo excipit: deinde lotum & nitidum, postera die emittit. Audros deo, maris cæterarumque aquarum cura incumbit. Algis, angelus est summorum deorum. Aufca, dea est radiorum solis vel occumbentis, vel supra horizontem ascendentis. Bezlea dea vespertina, Breksta tenebrarum. Ligiczus, is Deus esse putatur, qui concordia inter homines, & auctor est & conseruator. Datanus donator est bonorum, seu largitor. Kirnis cærasos arcis alicuius secundum lacum sitæ curat. in quos, placandi eius causa, gallos mactatos iniiciunt, cæreosque accensos in eis figunt. nimirum sicut ille avarus Euclio apud Plaut. in Aul. rure ac corona laris gratiã aucupabatur:

Nunc tusculum emi, & hasce coronas floreas,

Hæc imponentur in foco nostro lari:

Vt fortunatas faciat nata nuptias.

Kremata porcorum ac suum est Deus. cui similiter focos excitant, & ceruiciam super eas fundunt. Pizio iuuentus, sponsam adductura sponso, sacrum facit. puellæ quoque quendam Gondu adorant & inuocant. Modeina & Ragaina sylvestres sunt dij: vt Kierpiczus huiusque adiutor Silinczus, musci in syluis nascentis: cuius in ædificiis magnus apud illos est vsus. huic etiam muscum lecturi sacrificant. Tavvals Deus, auctor facultatum. Orthus lacus est piscosus quem colunt, quemadmodum & Ezernim lacum Deum.

Sunt etiam quædam veteres Nobilium familiæ, quæ peculiares colunt deos. vt Mikutiana Simonaitem, Michelouiciana Sidzium, Schemietiana & Kiesgaliana Ventis Rekieziouum, alia alios. Kurvvaiczin Eraiczin agnellorum est deus; est & Gardunithis custos eorundem recens editorum. Prigirsitis hic est.

qui murmurantes exaudire putatur. iubent igitur vt quis sum-
misso murmure, hoc vel illud loquatur, ne clamantem Prigiristi-
ris audiat. Derfintos pacem conciliat. vt & Bentis is creditur, qui
efficit, vt duo vel plures simul, iter aliquod instituunt. Lavvkpati-
mo ituri aratum vel satum supplicant. Priparfcis est, qui augere
nefrendes existimatur. Ratainicza equorum habetur deus, vt
Walgina aliorum pecorum. Kriksthos cruces in tumulis sepul-
torum custodit.

*Disinatio-
nes.*

Sunt & omnium auguriorum, diuinationumque obseruantes.
habentq; Apidome mutati domicilij deum. nato cuiusvis gene-
ris, vel cæco vel debili pullo, actutum sedes mutantur. Quin i-
pse quoque rex Wladislaus, gente Lituanus, has à matre super-
stitiones didicerat, vt eum diem infaustum sibi futurum crederet,
quo primùm calceum sinistrum fortuitò accepisset, ad hoc mo-
uebat se interdum in gyrum stans pede vno, foras è cubili prodi-
urus. quorum similia multa obseruantur ab Samagiris. Ita olim
Germani, Plutarcho in Caio Cæsare teste, nō antè prælium cum
hoste committebant, quàm noua luna fulsisset. Et nostrum qui-
dam infelicitè se venaturos sibi persuadent, si domo egres-
sis mulier occurrat, seu quis certum numerum capiendorum lepo-
rum, vulpium, luporum nominet. Krukis suum est deus, qui reli-
giosè colitur ab Budraicis, hoc est, fabris ferrarijs. Lafdona auel-
lanarum, Babilos apum dijsunt. hunc Rusi Zosim cognomi-
nant. Sunt etiam deæ, Zemina terrestris, Austheia apum. vtræq;
incrementa facere creduntur: ac cùm examinantur apes, quò
plures in alueos aliunde adducant; & fucos ab eis arceant, ro-
gantur.

*Mellis co-
pia*

Nusquam autem vel candidius mel est, vel minus cæræ habet.
vnde illæ massæ cæræ, quæ nauibus in Belgium, Galliam, Hi-
spaniam deportantur. Præterea, sunt certis agris, quemadmo-
dum nobilioribus familijs, singulares dei, videlicet Deuoitis a-
gri Poiurskij, Vetusis Retovvskij, Guboi ac Tvverticos Sara-
kovvskij, Kirnis Plotelskij. Vielona Deus animarum, cui tum
oblatio offertur, cùm mortui pascuntur, dari autem illi solent
frixæ placentulæ, quatuor locis sibi oppositis, paullulum discif-
sæ. eæ Sikies Vielonia pemixlos nominantur. Warpulis is esse
puta-

putatur, qui sonitum ante & post tonitru, in aere facit. Cæterum quid agant Salaus, Szlotrazis, Tiklis, Birzulis, Siriczus, Dvvar-gonh, Klamals, Atlaibos, alijque eius generis, non libenter id Christianis aperiunt. Opitulatores illos hominum esse, ideoque invocandos persuasum habent. Numeias, vocant domesticos. *Dii domesti-*
 est Vblanicza deus, cui curæ est omnis supplex. Dugnai dea, præ-*fici.*
 est farinæ subactæ. Pesseias, inter pullos omnis generis recens natos, post focum later. Tratitas Kirbixtu, deaster est, qui scintillas tugurii restinguit. Alabathis, quem linum pexuri in auxilium vocant. Polengabia diua est, cui foci lucentis administratio creditur. Aspelenie, angularis. Budintaia, hominem dormientem excitat. Matergabia deæ offertur à scemina ea placenta, quæ prima è mastra sumta digitoque notata, in furno coquitur, hanc post, non alius quàm paterfamiliâs, vel eius coniux comedit. Simili modo Rauguzemapati offerunt, posteaque ebibunt, primum vel ceruisiæ vel aquæ mulsæ, è dolio hauustum, quem Nulaidimos, illum autem primum è massa exemptum panem, Tasvuirzis cognominant. Eidem ceruisiario deo offert, id est, præbabit paterfamiliâs ceruisiæ, post fæces acceptas intumescens, spumantem pateram. tum demum & alii hauriunt. Si is absit, mater id familiâs facit. Luibegeldas diuas venerantes, ita compellant: *Luibegeldas per mare porire sekles gillie skaute. Vos dea transmissis ad nos omnia semina siliginea, in putamine glandis.*

Eadem turba agrestis, ut est auctor Alexander Gvagninus, in *Festum post*
 Sarmatia, sub finem mensis Octobris, frugib. planè collectis, *collectas*
 lènne quoddam sacrificiû, eo modo celebrat. nam omnes ad sa-*fruges.*
 cras epulas coacti, mensæ fœnum, postea panem, ac ex utraq; parte duo vasa ceruisiæ plena imponunt. deinde adducta utriusque sexus domestica animalia, sue, gallo, anseri, vitulo, & si quæ sunt alia, hoc ritu mactant. primus augur, certa verba prolocutus, animalis caput cæteraq; membra fuste verberat: quem turba idem agens, achæc dicens sequitur: *Hæc tibi ô Zemiennik deus gratias agentes offerimus: quod nos hoc anno incolumes conseruatis, & omnia nobis abunde dederis. idem ut & in posterum facias, te oramus.*

Antequam verò ipsi comedant, uniuscuiusq; ferculi portiunculam abscisam, in omnes domus angulos, ista dicentes abijciunt:

Prussi truci
cidati.

Accipe ô Zemiennik grato animo sacrificium: atq; letus comede. tum deum ipsi quoq; prælaute epulantur. qui ritus etiam in nonnullis Lituaniae atq; Russiae locis obseruatur, ac Ilgi dicitur. fieri id sacrum Lascouius ait postridie festi omnium sanctorum. qui dies est secundus Nouembris. quo die Samagitæ, Prussis, quibus erant oppignerati, quiq; in terra ipsorum fuere, excisis, Vitoldo duci Lituaniae, (qui diem obiit 1430. 27. Octob. Wladislai Iagiellonis, patruelis frater) sese ultro subiecerunt. Tertio post Ilgas die, deum Vvaizganthos colunt virgines, ut illius beneficio, tam lini quam cannabis habeant copiam. ubi altissima illarum, impleto placentulis, quas Sikies vocant, sinu, & stans pede vno in sedili, manuq; sinistra sursum elata, librum prolixum, vel tiliæ vel vltimo detractum (ex quo etiam calceos contexunt) dextra verò craterem ceruiciæ, hæc loquens tenet: Vvaizganthos deuaite auging mani linus teip ilgies, ik mani, nie duok munus nogus eit bi. Waizganthos, inquit, produc nobis tam altum linum, quam ego nunc alta sum; néve nos nudos incedere permittas. post hæc craterem exhaurit (nam & sceminæ bibaces sunt) impletumq; rursus, deo in terram effundit, & placentas è sinu eijcit, à dextris, si qui sint Vvaizgantho, comedendas. Si hæc peragens, firma perstet, bonum lini prouentum anno sequenti futurum, in animum inducit. Si lapsa, pede altero nitatur, dubitat de futura copia, fidemq; effectus sequitur. Iisdem feriis, mortuos è tumulis ad balneum & epulas inuitant: rotidemque sedilia, mantilia, indusia, quot inuitati fuerint, in tugurio eam ad rem præparato ponunt, mensam cibo, potu onerant. dehinc in sua mapalia reuersi, triduum compotant. quo exacto, illa omnia in sepulcris, potu perfusis, relinquunt. tandem etiam manibus valedicunt. Interea hæc ij auferunt, qui in syluis arbores cineris causa, quo fullones transmarini carere nequeunt, comburant, & asseres faciunt, nauium materiam, in Oceanum mittendam. consimili huic errore, Christiani, seculo beati Augustini, in cœmiteriis apud memorias defunctorum, ut idem epistola 64. ait, comessabantur.

Parentalia.

Linonum
superstitio.

Veri quoq; Liouones hoc tempore, qui dura Germanorum seruitute premuntur, monumentis mortuorum cibum, potum, securim, & nonnihil pecuniæ, hac cum nœnia imponunt: *Transi* inquit

quit d' miser ab hoc rerum statu, in mundum meliorem. Vbi non tibi Germani amplius, sed tu illis imperabis, habes arma, cibum, viaticum.

Cum autem nimia ætatis breuitas, fruges demessas, planè scicari non sinat, fit hoc sub tectis ad ignem. Tum verò precandus est illis hisce verbis Gabie deus : *Gabie deuaite pokielki, garunuleiki kirbixstu. Flammam inquit eleua, at ne demittas scintillas.*

Smik Smik Perleuenu, hunc deum Lituani vere araturi, venerantur. prima agri lyra vomere facta, huius ipsius est. quam huic qui illam duxit, toto anno transgredi haud licet: alioquin diuum sibi infensum haberet.

Skierstuvves festum est farciminū. ad quod deum Ezagulis ita vocant: Vielona velos atteik musmup vnd stala. *Veni, inquit, cum mortuis, farcimina nobiscum manducaturus.*

Aitvvaros est incubus, qui post sepes habitat. id enim verbum ipsum significat.

Kaukie, sunt lemures, quos Russi Vboze appellant: barbatuli, altitudine vnus palmi extensi : ijs qui illos esse credunt conspiciui: aliis minimè. his cibi omnis edulii apponuntur. quod nisi fiat, ea sunt opinione, vt ideo suas fortunas (id quod accidit) amittant : nutriunt etiam quasi deos penates, nigri coloris, obesos & quadrupedes, quosdam serpentes, Giuoitos vocatos. hos timore perculsi, dum ex antris ædium ad pastum appositum prorepunt, seq; pasti in ea recipiunt, aspiciunt & colunt. Si quid infortunii accidat cultori, serpentem malè fuisse tractatum censent.

*Lemures
palmares.*

Strutis, & Miechutele, colorum dii sunt : quos in syluis, colores ad lanam tingendam quærentes venerantur.

Isti sunt pluresq; alij vulgi Samagitarum dii, quemadmodum apostolus, Sunt inquit dii & domini multi, 1. Corin. 8. at Christianorum Vnus Deus est, Pater Filius & Spiritus Sanctus. in cuius nomine sacrum Baptisma sumitur. & in quem, iuxta formulam symboli Apost. creditur. qui personis discreti, essentia vnū sunt. omnia quæ hæc mundi machina continet, fecerūt, neq; posthæc oriantur: Pater inquit meus vsq; adhuc operatur & ego operor.

Et tamen permulti sunt Christiani, qui hoc vnico omnipotenti numine minimè contenti, & tam Samagitas quam veteres idololatrias imitari, alios sibi ipsis adiutores hinxerunt. Iohannes enim

*Dii falsarii
Christiano-
rum.*

& Paulus superstitiosa opinione illorum, quæq; noxia à segetib. auerit. Ignis Agathæ, ceu Vestæ datus est curādus. Florianus miles, incendia relinguit. vt quidem hæc lib. de Origine erroris recenset Bullingerus. Nicolaus, quasi alter Neptunus, maris curam gerit. idem à periclitantibus, iis vocibus excitatur: O sancte Nicolae, nos ad portum maris trahe. eidem sacella in littorib. consecratur. huius collega est, gigas Christoph. Canitur & B. Virgini, exortis procellis istud carmen: Aue maris stella, Dei mater alma. Et, Salue Regina misericordie, vita & spes nostra. ad te clamamus. Vino præest Vrbanus. Rubiginem frumēti purgat Iodocus. Brucos depellit Magnus. Anseres curæ sunt sancto Gallo, oues Vendelino. equi Eulogio, boues Pelagio, porci Antonio. alia nomina in alijs regionibus, harum similiumq; rerum ficti curatores habent. Gertrudis mures à colis mulierum abigit. Literarum studiosi Catharinam Virginem Alexandrinam, veluri alteram Minervam, alii verò Gregorium, quasi Mercurium colunt, ac huius die festo primū, suos natos, in scholas mittunt. Pictores Lucā, Medici Cosmam & Damianum, fabri Eulogium, calcearij Crispinum, Sarctores Gutmanū, figuli quendam Goarum, venatores Eustachium ciuem Romanum, scorta Aphram & Magdalenam inuocant. supplicant alijs alijs, ac in periculis vitæ constituti, vota illis nuncupāt: in hos tutelam sui reiiciunt. Imploratur in pestilentia, vt olim Apollo, Sebast. in morbo Gall. Rochus in febris Petronella, in dolore capitis Ita: dentium Apollonia, in partu Margarita, quemadmodū quondam Iuno ac Lucina. Ioh. Euang. à veneno conseruat. Wolphgang. contractorū Medicus est. Romanus Dæmoniacos soluit. Marcus mortem repentinam auerit. Martinus miseriam. quem & ego puer hisce verbis inclamabam: *Martine Sancte Pontifex. sis miserorū opifex. ser opem tuis famulis.* Leonhard. vinctorum compedes rumpit. Vincentius amissa restituit. Valentin. comitiali morbo laborantes sanat. quapropter nos epilepsiā, Valen. morbū vocamus. Susanna ignominiā arcer. Otilia oculis ægrotorū medetur. collo præsidet Blasius, scapulis Laur. Erasmi venter est totus. Nicolao apud nos gregis est custodia iniuncta. Andreas, vigilia festi sui inuocat⁹ à ieiunis puellis, futuros illarum viros præmonstrat. Barbara à cædib. bellicis conseruat. quocir-

quocirca tum à nostræ gentis hominibus in auxilium magnis clamoribus elicitur. inuocatur & virgo Maria. cuius carmen, Deipara vocatum, ab ijs qui in bellum proficiscuntur decantatur, legibus additum nostris. *Adèò etiam periculosissimis temporibus, Deus seruator omnium suo honore fraudatur.*

Præterea sunt patroni terrarum constituti, non diuina, sed humana voluntate. Stanislaus Polonorum, Albertus Prussorum, *Defensores* Nicolaus Moscorum, Martinus Germanorum, Iacobus Hispanorum, Dionysius Gallorum, Petrus, Paulus Romanorum, Marcus Venetorum, tres magi Colonientium, Ambrosius Mediolanensium, virgo Maria & Ladislaus Hungarorum. quod etiam aurei nummi testantur. at quis non vider, quomodo ijs suas prouincias tueantur?

Ridet hæc suauiter in Naufragio Erasmus Rot. minimè Lutheranus. Quamobrem tu, inquit, nullius diui præsidium implorasti? Quia spaciosum est cælum, respondet alter. Si cui diuo commendaro meam salutem, puta sancto Petro, qui fortasse primus audiet, quòd adstet ostio, priusquam ille conueniat Deum, priusquam exponat causam, ego iam periero. rectà adibam ipsum patrem, dicens: Pater noster qui es in cœlis. nemo diuorum illocitus audit, aut libentius donat quod petitur.

Verùm cum omnis historia quoquo modo scripta deleat, *Historia delectat.* non pigebit lectoris causa de moribus nostrorum Sarmatarum plura adscribere. Hæc igitur Iohannes Meletius Archipresbyter Ecclesiæ Liccensis in Prussia, Anno salutiferi partus 1553. ad Georgium Sabinum poëtam, litteris prodidit. quæ etiamnum multis in locis obseruantur. Die Georgij sacrificium faciunt Pergrubrio. qui florum, plantarum omnium quæ germinum deus creditur. Sacrificulus enim, quem Wurschaiten appellant, tenet dextra obbam ceruissæ plenam, inuocatoq; dæmonij nomine, decantat illius laudes. Tu, inquit, *abigis hyemem, tu reducis amœnitatem veris. per te agri & horti vigent, per te nemora & syluæ frondent.* hac cantilena finita, dentibus apprehendēs obbam, ebibit ceruissiam nulla adhibita manu: ipsamq; obbam, ita mordicus eporam, retro, supra caput iacit. quæ cum è terra sublata, iterum impleta est: omnes quotquot adsunt, ex ea bibunt ordine, atq; in laudem

Plura de diis Sarmaticis.

Pergrubrij hymnum canunt. postea epulantur tota die & choreas ducunt.

Similiter, quando iam segetes sunt maturæ, rustici in agris ad sacrificium congregantur. quod lingua Ruthenica Zazinek vocatur, id est, initium messis. hoc sacro peracto, vnus è multitudine electus, messem auspicatur, manipulo demesso, quem domum adfert. postridie omnes, primò illius domestici, deinde cæteri quicunque volunt, messem faciunt. facta autem messe, solenne sacrificium pro gratiarum actione conficiunt. quod Ruthenica lingua Ozinek, id est, consummatio messis dicitur. in hoc sacrificio, Sudini Borussisæ populi, apud quos succinû colligitur, capro litant. congregato namq; populi cætu in horreo, adducitur caper. quem Vvurschaites mactaturus, imponit victimæ vtramq; manum, inuocatq; ordine dæmones, quos ipsi deos esse credunt. videlicet Occopiruum, deum cœli & terræ, Antrimpum maris, Gardoeten nautarum, Potrympum fluuiorum ac fontium, Piluitum diuitiarum, Pergrubrium veris, Parguum tonitruum ac tempestatum, Pocclû inferni ac tenebrarum, Pocollum aëreorum spirituum, Putscetum sacrorû lucorum tutorem, Auscûtum incolumitatis & ægritudinis, Marcoppolum magnatum & nobilium, Barstuccas, quos Germani Erdmenlin, hoc est, subterraneos vocant. His inuocatis, quotquot adsunt in horreo, omnes simul extollunt caprum, sublimemq; tenent, donec canatur hymnus. quo finito, rursus eum sistunt in terra. Tum sacrificulus admonet populum vt solenne hoc sacrificium, à maioribus piè institutum, summa cum veneratione faciant, eiusque memoriam religiose ad posteros conseruent. Posthæc mactat victimam, sanguinemq; patina exceptum dispergit; carnem verò tradit mulieribus, eodem in horreo coquendam. quæ interea dum caro coquitur, parant è farina filiginea placentas, quas non imponunt in furnum, sed viri focum circumstantes, hinc illinc per focum iaciunt absque cessatione, quoad indurescant & coquantur. his peractis epulantur atque helluantur tota die ac nocte, vsque ad vomitum. deinde summo mane extra villam progrediuntur. vbi reliquias epularum certo in loco

*Invocatio
deorum.*

Victima.

loco terra operiunt, ne vel à volatilibus, vel à feris diripiantur. postea suam quisque domum reperit.

Cæterum ex omnibus Sarmatiæ gentibus, Boruffis, Liunionibus, Samagitis, Russis, multi adhuc singulari veneratione colunt Putscetum, qui sacris arboribus & lucis præest. is sub sambuco domicilium habere creditur. cui passim homines litant, pane, ceruisia aliisque cibis sub hac arbore positis, precantes eum ut placatum efficiat Marcoppolum, deum magnatum & nobilium, ne graui seruitute ab illis premantur: utque sibi mittantur Barstuccæ, quibus in domibus ipsorum uiuentibus, credunt se fieri fortunatiores. His ipsi collocant vesperi in horreo super mensam, mappa stratam, panes, caseos, butyrum & ceruisiam. nec dubitant de fortunarum accessione, si mane hos cibos absumptos reperiant. Quod si aliquando intactus cibus in mensa remanet, magna anguntur cura, nihil non aduersi intuentes. Eadem gentes colunt spiritus quosdam visibiles, qui lingua Ruthenica Coltki, Græca Cobili, Germanica Coboldi vocantur. Hos habitare credunt in occultis etiam ædium locis, vel in congerie lignorum. Nutriuntque eos lautè omni ciborum genere, eo quod afferre soleant altoribus suis frumentum, ex alienis horreis furto ablatum. Cum verò hi spiritus alicubi habitare atque aliquid cupiunt, hoc modo suam erga patremfamilias voluntatem declarant: in domo congerunt noctu segmenta lignorum, & mulctris lacte plenis imponunt varia animalium stercorea. Quod ubi paterfamilias animaduenerit, nec segmenta dissipauerit, nec stercorea è mulctris eiecerit, sed de inquinato lacte cum omni sua familia comederit, tunc illi apparere permanereque dicuntur. Præterea Litواني & Samagitæ in domibus sub fornace, vel in angulo vaporarij ubi mensa stat, serpentes fouent. quos numinis instar colentes, certo anni tempore precibus sacrificuli, euocant ad mensam. Hi verò exeuntes per mundum lintheolum conscendunt, & super mensam morantur. Vbi delibatis singulis ferculis, rursus discedunt, seque abdunt in cauernis. Serpentibus digressis, homines læti fercula prægustata comedunt, ac sperant illo anno omnia

Penates.

Cultus spirituum.

Serpentum.

prosperè sibi euentura. Quod si ad preces sacrificuli, non exierint serpentes, aut fercula apposita non delibauerint: tum credunt se anno illo subituros magnam calamitatem. Adhuc eadem gentes habent inter se sortilegos, qui lingua Ruthenica Burti vocantur. ij Potrumpum inuocantes, cæram in aquam fundunt, atq; ex imaginibus inter fundendum expressis, pronuntiant & vaticinatur, de quibuscunq; rebus interrogati fuerint. Noui ipse mulierculam, quæ cum diu reditum filij absentis expectasset, ex Borussia in Daniam profecti, cōsuluic super eo sortilegum. à quo edocta est, naufragio illum periisse. cæra enim in aquam fusa, expressit formam fractæ nauis, effigiem resupini hominis iuxta nauim fluitantis. Apud Samagitas est mons ad fluuium Neuuasam situs, in cuius vertice olim perpetuus ignis à sacerdote conseruabatur, in honorem Pargni, qui tonitruum & tempestatum potens esse, à superstitiosa gente adhuc creditur.

Hactenus de sacrificijs. nunc de ritibus nuptiarum ac funerum, non minus ridicula quàm superstitiosa narrabo.

Ritus nuptiales.

Apud Sudinos, Curonenses, Samagitas, & Lituanos nobiles puellæ multis in locis gestât tintinnabulum, quod funiculo alligatum, è cingulo dependet vsq; ad genua, nec ducuntur, sed rapiuntur, in matrimonium, veteri Lacedæmoniorum more à Lycurgo instituto. rapiuntur autem non ab ipso sponso, sed à duobus eius cognatis. ac postquam raptæ sunt, tunc primùm requisiti parentum consensu, matrimonium contrahitur. Cùm nuptiæ celebrantur; sponsa ter ducitur circa focum: deinde ibidem in sella collocatur. super quam sedenti, pedes lauantur aqua, qua lectus nuptialis, rota supellex domestica, & inuitati ad nuptias hospites consperguntur. Postea sponsæ os oblinitur melle & oculi teguntur velamine. quibus sic velatis, ducta ad omnes ædium fores, iubetur eas attingere dextroq; pulsare pede. ad singulas fores circumspergitur tritico, siligine, auena, hordeo, pis, fabis, papauere, sequente vno sponsam cum sacco pleno omnis generis frugum. Cumq; eam hic circumspergit, inquit, nihil defuturum sponsæ si religionem coluerit, remq; domesticam ea qua debet diligentia curauerit. His actis aufertur sponsæ velamen ab oculis, & conuiuium celebratur. Similis olim obnubendi ratio capit

capitis aptid Latinos, nuptæ nuptiarumq; nomen dedit. Vesperi sponsæ ad lectum deducendæ, abscinduntur inter saltandû crines. tum ei à mulieribus imponitur sertum, albo linteo lo obvolutum. quod vxorib. gestare licet donec filium pepererint. rãdiu enim se pro virginibus gerunt. ad extremum introducitur in cubiculum: pulsataq; & verberata aliarum pugnīs, non iratarum, sed nimia quadam læticia gestientium, in lectum iniicitur sponsoq; traditur. tum pro bellarijs afferuntur testiculi caprini vel vrsini. quib. illo nuptiali tempore manducatis, creduntur coniuges fieri fœcundi. Eandem ob causam nullum animal castratum ad nuprias mactatur. Contrà in funeribus hic seruatur à rusticanis ritus: Defunctorum enim cadauera vestibus & calceis induuntur *Parentalia.* & erecta super sellam locantur. quibus assidentes propinqui perpotant ac helluantur. epota verò ceruisia, sit hisce verbis lingua Ruthenica funebris lamentatio: *Ha lele i procz ti mene ymar! i za ti nie miel sz to iesti, abo piti? i procz ti ymar! ha le le, i za ti nie miel Krasnoie młodzice? i procz ti ymar! id est, Hei hei quare tu mihi mortuus es? an non quod comederes vel biberes habuisti? quare mortem obiisti? hei hei mihi, num formosa coniuge caruisti? cur diem obiisti?* Hoc modo lamentantes enumerant ordine omnia externa mortui bona, liberos, oues, boues, equos, anseres, gallinas. ad quæ singula respondentes, occinunt hæc nœniam: Cùm hæc habueris, quam obrem mortuus es? Lamentatione absoluta, dantur cadaueri munuscula. mulieri fila cum acu: viro linteolum collo eius implicatum. Cùm ad sepulturam effertur cadauer, pleriq; equis funus prosequuntur, & ad currum obequitant. quo cadauer vehitur. Strictisq; gladijs verberāt auras, vociferantes, *Geigeite begaite pekelle.* Eia fugite dæmones in Orcum. *Dæmones fugantur.* Qui funus mortuo faciūt, nummos projiciunt in sepulchrum, futurum mortui viaticum. panem quoq; & lagenam ceruisiæ plenam, ad caput cadaueris in sepulchrum illati, ne anima vel sitiāt vel esuriat, collocāt. Vxor verò tam oriente quàm occidente sole, super extincti coniugis sepulchrum sedēs vel iacens, lamentatur diebus triginta. Cæterum cognati celebrant conuiuia die à funere tertio, sexto, nono & quadagesimo. ad quæ animam defuncti inuitant, precātes ante ianuam. Vbi tacitè assident mensæ, tanquam muti, nec videntur cultris: ministrantibus

duabus mulieribus, sed absq; cultris, cibumq; hospitibus apponentibus. Singuli verò de vnoquoq; ferculo aliquid infra mensam abijciunt, quo animam pasci credunt, eiq; potum effundunt. Si quid forè deciderit in terram de mensa, id non tollunt: sed defertis, vt ipsi loquuntur animis, quæ nullos habent vel cognatos vel amicos viuos, à quib. excipiantur conuiuio, relinquunt manducandum. Peraçto prandio, surgit à mensa sacrificulus, & scopis domum verrens, animas mortuorum cum puluere, tanquam pulices, hæc dicens eicit, *leli, pili, duſſice, nu ven, nu ven, Edisti inquit, bibisti, anima, ire foras, ire foras.* post hæc incipiunt conuiuare inter se colloqui & certare poculis, mulieribus viris præbentibus, & viris vicissim illis, seq; inuicem osculantibus. Hæc de parentibus paganorum, quorum & sanctus Augustinus sermone 15. de sanctis meminit: Miror inquit cur apud quosdam infideles hodie tam perniciosus error increuerit, vt super tumulos defunctorum cibos & vina conferant. quasi egressæ de corporib. animæ, carnales cibos requirant. epulas enim & refectiões, caro tantum requirit, spiritus autē & anima ijs non indigēt. Parare aliquis suis charis dicit, quod ipse deuorat. quod præstat ventri, imputat pietati.

~~~~~

#### DE RELIGIONE ARMENIORVM.



ARMENII à Thaddæo Apostolo, quem Christus ad Abgarum Regem Edeſſenorum, vt Eusebius lib. 1. historiæ tradidit, cum epistola ablegauerat, religionem Christianam se didicisse, arcam Noe sua in regione cōsedisse, genusq; humanum in ea propagatū esse gloriantur: Quod vt verum esse concedamus: fatendum est tamen, quædam illos, vt multos alios, minimè Apostolica in vsu habere. quæ rerum omnium conditio est, vt eæ procedente tempore, à sua origine degenerent atque defleſcant. Extat fidei illorum in Deum satis orthodoxa formula, ab Abdia Prætorio Latina facta, Vitebergæ typis edita. Nobis hic sermo est de ijs, qui Leopoli in Russia, vrbe regis Poloniae, sedes pridem fixerunt suas. Viri honesti, humani, aperti, generosi, oris liberi, sed tamen cauti, elegantes, munda, locupletes, vultu nitidi, barbis nigri, mercimonijs per orientales plagas dediti, in redimendis captiuis Christiani nominis, & dan-



& dandis eleemosynis liberales. habent Leopoli Episcopum : qui Anno nati mundi Seruatoris 1574. cum Constantinopoli esset, ego cum duobus sacerdotibus (sunt autem sex) de Religione ipsorum collocutus sum. à Papa Romano, inde à temporibus Calixti, nihil accipiunt: nec eum pro capite Ecclesię agnoscunt.

Lingua vernacula, sacra sua obeunt. in liturgia Sacramentum eleuant: idemq; pro viuis & mortuis Deo offerunt ac in ciborio ægrotorum causa seruant. Processiones, quas vocant, non cum sacramento, sed in memoriam Christi, qui huc atque illuc itabat, faciunt ac retinent. matrimonia sacricolę hisce verbis, *Quos Deus coniunxit, ne homo seiungat*, confirmant.

In templis terna altaria habent. ad maius versi sese inclinant signoque crucis signant. Liturgias sacerdotes conducti pretio, vt conductoris mentio nominatim in eis fiat, celebrant. ante maius altare, icidem vt Russi, vellum nigrum expandunt. vnde ij qui sacris operantur, ad populum prodeunt. prope hunc locum, qui chorus appellatur, mares, scemine remotius ab eo supplicant: At Russi simul cum mulieribus. imagines vtrique colunt. Armeniorum crebrius quàm Russorum sacerdotes concionantur.

In Sacramento eucharistię, elementa naturas suas amittere negant. intinctum in calice panem similagineum, plebi porrigunt. Aquam vino non miscent. Sacramentum religiosius Russis venerantur: persuasi Christum esse in illo, qualem Maria peperit; incarnatione semel facta, talem naturę diuinę cum humana coniunctionem societatemq; esse, vt eę ne tum quoque cum pateretur, separatę fuerint, nec vnquam separari possint. Christum plus quiddam in liturgia pati, quàm in cruce perpeßus sit, ex Chrysostomo hauserunt. id autem, corporis eius Sacramentalem fractionem dicunt. Quęrente verò me ex illis, quo id fieret modo, siquidem naturę panis & vini, etiam facta consecratione, immutata permanerent: vi diuina, respondebāt, cui fides habenda sit. Minus in eo sunt religiosi Russi. quorū sacerdos ex allatis in templum grandib. panibus (adfert autem vnus vir, vel vnum vel duos vel tres, quos plascuras vocant) orbiculum Sacramenti causa excindit, ac consecrat. cuius panis eo excisi modo fit interdum tantus numerus, vt superet capita sumentium abiiciaturq;

*Oblationes.*



à Sacricola mucidus in angulum, aut terra obruatur, vel in alium conuertatur vsum. quod Armenij vehementer improbant. Sunt & ieiunia Armenijs duriora Russicis. nam præter diem Mercurij & Veneris, quibus solis leguminibus vescuntur, Russis pisces quoq; addentibus, quotannis ter quadraginta dies ieiunant: si est ieiunium dicendum, quotidie semel edere. Mosis ieiunium ante natalem domini, Christi ante pascha, Eliæ ante festum crucis obseruant. Tempia in honorē sanctorum edificant. Beatam Mariam matrem Domini, ita vti alij mortales nascuntur, conceptam natamque esse: sed postea sanctam factam, & vt Dei mater fieret semperque illibata virgo maneret, persuasum habent. Patrem, Filium & Spiritum S. esse Vnum Deum: Spiritum à solo Patre ad Filium, ab hoc ad Ecclesiam procedere ac mitti credunt. Omnia Biblia scripta admittunt. præter quæ, alia quoque multa & Canonem sancti Iacobi, pro Apostolicis ducunt. non potuisse ad nos Occidentales multa ab Orientalibus scripta peruenire, sed apud se plura esse autumant. Baptisma sacrum in nomine Patris, Filij & Spiritus Sancti accipiunt: ad quod infantes admittunt.

Tria concilia approbant, Nicenum, Ephesinum, Constantinopolitanum: at Chalcedonensem reiiciunt.

Sacerdotes illorum quemadmodum Russorum, vxores ducunt. Attamen contenti eleemosynis, nullas possessiones tenent, nec artes mechanicas exercent. Quorum vnus à me de iustificatione hominis apud Deum, rogatus, respondit eam contingere operibus piis, videlicet precibus, ieiunio, eleemosynis, de quibus ipsiusmet Christi in Euangelio Matthæi præcepta exstarent. Eadem de re interrogatus iunior, sed sapientior, id responsi dedit, solum Christum vniuscuiusq; credentis iustitiam esse. tamen homines pietati incumbere debere: vt ex fructib. arbor vel bona vel mala esse cognoscatur. Idem aiebant se ab Henrico Gallo rege, ducentos florenos annui salarii, ad leuandam inopiam petiisse:

quos promissos; clandestinus eius è regno excessus,

(dies fuit vel potius nox 18. Iunii anni 1574.)

non fuit habere.

IOHAN-





IOHANNIS LASICII,  
DE INITIO REGIMINIS  
STEPHANI REGIS  
fortissimi.

AD GENEROSISS. VIRVM,

*D. lo. Gaieroski, Surrogatum & Vicecapitaneum  
Poznaniensem.*

**E**NRICO in patriam, morte Fratris cognita, nostris in scijs reuerſo. (nox erat 18. Iunij, qua Cracouia exceſſit) ſedecim meſes conſumti ſunt, quibus nobis vanam ſpem ſui reditus faciebat. Tandem indiſtis Varſauie, Regi conſtantiori legendo, 8. Nouemb. 1575. comitijs, pars Senatus non exſpectato conſenſu Nobilitatis, cuius eſt magna apud nos auctoritas, MAXIMILIANVM IMPERATOREM 12. Decemb. pars Nobilitati adhærens, à Germano, metu Turcarum bellum minitantium abhorrenti, STEPHANVM BATORIVM de Somlio, Voiuodam Tranſyluanie Regem perendie pronuntiat. fit conſeſtim ingens diſſenſio. Sed Equeſtris Ordinis conſentientis, potiores fuere partes. ac dum cunctatur, accitus à ſuis bonus MAXIMILIANVS, diſſidio inteſtino permotus: aduolat Cracouiam STEPHANVS, longo per Valachiam circuitu factò, 17. Aprilis, 1576. quingentorum ſerè equitum Hungarorum, mille peditum iaculatorum comitatu ſtipatus, vir ad regendam, vel maximam Rempubicam natura factus. Is coronandus Kalend. Maij,

*Duo Reges  
creati.*



*Stephanus  
coronatur.*

matrimonium contrahit cum ANNA SIGISMVNDI PRIMI filia, quam CÆSAR ducere non potuit. paucis post horis, diadema Regium ab Episcopo accipit Cuiauiensi, quod Archiepiscopus Gnesnensis cum Cæsare faceret. prius tamen iurat in leges omnium Regni Ordinum, ac in cōmune fœdus, pacis inter dissentientes Religione conseruandæ.

*Cæsariani  
mutant con-  
silia.*

Quarto ab hinc die, legati Lituanorum, Imperatorias partes tuentium auditi. deinde diuersæ factionis senatores, per literas commonefacti, vt Rege iam Dei voluntate coronato, ea sponte sequerentur consilia, quæ tranquillitatem reipub. adferrent, contraria vitarent. 22. die arcem Landscoronam, præfecturæ Alberti Laski Cæsari addicti, quassatis eius muris, per deditionem capit. 29. Varsauiam iter capessit, ad disturbandum postremum Cæsarianorum concilium, concordix cuiusdam causa ab Archimysta, primas in Regno tenente, indictum. mirabilis tum fuit Cæsaris fautorum ad Regem transitio, & varij redeundi in gratiam modi.

Data omnibus venia. *Quodd in libera Repub. nefas foret non esse libera suffragia.* Deo id beneficium vendicatum, quodd animis incolarum magnopere exasperatis, res ad arma non venit. Varsauix Lituanis Rex, & hi vicissim Regi, fidem suam sanctè obstringunt. Tum visa Tikocini SIGISMVNDI AVGVSTI relicta gaza. 26. die mensis Augusti Toroniam venit: penultimo Prussos ad dandum iusiurandum pellicit: breui post Alberto Fridricho Duce in Prussia hos secuto, soli Dantiscani Cæsari, diutius cæteris adherentes, debita obsequia negabant; quibus rex, immisissis iam ante in territorium illorum cohortibus, non paruam calamitatem intulit.

*Cæsar diem  
obis.*

Interim MAXIMILIANVS, loco regni Sarmatici, 12. Octob. cœleste accipit. quæ ipsi dies finem molestiæ attulit ob heroem Batorium, in regno sibi prælatum. Rex prima, sex hebdomadarum comitia, tertio Decemb. absoluit. in quibus vniuersalis expeditio contra quemuis hostem patriæ constituta, bellum aduersus Dantiscanos. 25. Sepemb. Mariæburgiæ, regia sententia perduelles appellatos, decretum. priuata auxilia à senatoribus promissa.

Vidimus



Vidimus hic captos ab Hungaris Dantiscanorum Germanos pedites vendi denis florenis, alios pluris vel minoris. Inde Bidgostiam animo in bellum Moscoiticum intento digressus, ductis secum Ferbero & Rosenbergio consulibus, nihil non tentauit, vt Dantiscanum negotium absque Maris alea transigeretur. 25. Ianu. 1577. ad 40. capita petitionis ipsorum clementer respondit, & quæ portuit, concessit. At cum postulata superbiora de singulari in leges illorum iureiurando, & oneribus quibusdam, non expectato Comitiorum generalium tempore tollendis, id impedirent: bello 11. Febru. legitimè denunciato, frangendam esse ciuium moenibus fidentium contumaciam statuit. Itaq; egressos portis 16. April. permultos, perendie facto conflictu 4. 4. 27. cædit, mille capit. è suis, quorum dux erat Io. Sborouius, solum 58. paulò pluribus sauciis amittit. 19. Maij Synodus Ecclesiasticorum habita Petricouix sancit, Anathema illum esse, & officio beneficioq; omni priuari debere, qui fœdus Interregni tempore 28. Ianuarij 1573. ad Varsauiam, reclamantibus ordine Ecclesiastico, & quibusdam Catholicis politicis, de pace inter Pontificios & Lutheranos perpetuò seruanda initum approbarit, defenderit eiq; consenserit. Rex Dantiscanos in proposito persistentes 12. Iunij obsidet. durauit tres menses obsidio, tam obseisis (licet fortiter se tuentibus) quàm obsidentibus, non nihil attritis. Tandem per legatos 12. Principum Germaniæ 9. Decembris pace conciliata, oppugnati, imperium regis, leges illorum omnes approbantis, & religionis Lutheranae vsum, vt omnibus alijs permittentis, agnoscunt, ducenta & viginti florenorum millia eidem intra quinquennium numerant. nihil in agro illorum erat, quod non miles biennij propemodum spatio corruerit. proinde magno illis isthæc peruicacia, ab irato peccatis Deo immissa, constitit. Deinde Rex, pacato statu Rusiæ, superioribus mensibus incursione Tartarorum conturbatæ, 14. Octob. 1578. Leopoli Cracouiã redit: amicitia cum Danis, Suecis ac vicinis Germanis iungendæ studet. nihil aliud magis animo volens, quàm vt Moscos, Lituani inuorios, coërceret. Siquidem hac cōditione Rex creatus, vt à Moscis occupata recuperaret, terminos regni prolataret, & ipse bella gereret.

*Bellum Dantiscanum.*

*Confederatio.*

*Condiçiones Regis creati.*



Inter hæc nouum tribunal, quod regem in bellis occupatum curis leuaret, & Petricouiae maiorum Polonorum causa, & Lublini minorum, volunrate omnium instituitur: & nuncij de tanta strage Moscorum ad Kieffum arcem Liuonicam 24. Octobris, ductore Sapieha, adferuntur, vt in fugam versi, viginti tormenta grandia victori reliquerint. rursus solum eorundem ad 30. miliaria Germanica, prope Kerepetz & Derpt, duce copiarum Christophoro Radziuilo, mense Februario 1579. euastatum, magnam militi prædam peperit. Quocirca Rex, eiusmodi successu animatus, egressus Cracouia in Lituaniam, Polortzco arcem munitissimam, 30. Augusti hosti adimit. nec maiori negotio capit cæteras, videlicet Crassne, Sirno, Cossian, Turovula, Socol, Sussa, Sienuies, Niscerna. Cæterum, quò vires maiores audendi maiora facinora haberet, reuertit Varsauiam ad Comiticia 22. Nouembris, relictis in confinibus Moscicis, cum exercitu Polono, Mielecio Podoliae Voiuoda: cum Lituano, Radziuilo Vilnensi itidem Voiuoda, viris expertæ fidei ac virtutis. Venerunt eodem legati Cæsaris Rudolphi, actum de fœderibus, quæ nobis sunt antiquitus cum familia Austriaca. dimissi voti compotes 21. Ianuarij 1580. Exacto viritim tributo, conscripta sunt 60. amplius selectissimorum miliaria, æstate ad Czastnicum, 43. vltra Vilnam milliaribus lustrata. quibus per loca aquosa traducendis, pons est talis fabricatus, qui sex horis cuius fluuiio, 80. nauibus subiectis, imponi, totidemq; tolli potest. hæc nunc copiae, imperatore Ioanne Zamoiscio, Regni Cancellario litteratissimo, longè lateque effusæ, Moscouiam populantur, erepta fœliciter recuperant, iniurias vlciscuntur. nam res, nec per arbitros decidi, nec per conditiones componi potuit. 14. Martij anni superioris, Mosco pacem per legatos Cracouiam missos, & superbè se gerentes petenti, nunciari Rex iussit, redderet prius oues lupus deuoratas, tum demum pacem speraret. Habes lector pauca de inclyto rege Stephano, felici sydere electo: vt in his præfationi responderet.

copiosius hæc, si vita supperet, singulari scripto persecuturi.

*Polortzco capta.*

*Initium belli Moscici.*

F I N I S.

